

Church of the Lutheran Confession of Myanmar

Lutheran Agenda

(Pastor Khutlet Bu)

By:

Rev. Thang Khan Kham
Executive Secretary, CLCM
Munlai, Kalaymyo: Myanmar
Email: thelcm@gmail.com

Church of the Lutheran Confession of Myanmar

Lutheran Agenda
(Pastor Khutlet bu)

20 copies: 2010

Munlai, Kalaymyo
Sagaing: Myanmar

Published by:

Rev. Thang Khan Kham, M.Th

Executive Secretary

CLCM

Munlai, Kalaymyo: Myanmar

Email: theclcm@gmail.com

Index

1. Tuiphumna5
2. Kipsak biakpiakna9
3. Nungzuiquite thu-up9
3. Kipsakna 11
4. Thu um thakte sanna 17
5. Pawl lutthakte sanna 18
6. Kitenna (Pumkhat Suahna) 20
7. Topa hong hilh thungetna 23
7. Sihvui hun bawl ciang khutlet ding24
8. Naupang site hunah zat ding 28
9. Khangmoi site vuina ah zat ding 29
10. Khangham sate vuina ah zat ding 31
11. Biakinn sungah Misi vui hunzatna34
12. Naupang si vuina ah zat ding 38
13. Khangham khat a sih ciang zat ding 39
14. Biakpiak hun sunga sim ding 39
15. A tek sih khat vuina hun a zat ding 43
16. Cina kholte a sih ciang sihvui biakpiakna ah zat ding 44
17. Han ah zat ding 45
18. Minister khat siampi za piak cianga zat ding 50
19. Hanmun apna hun ah zat ding54
20. Biakinn thak apna hun ah zat ding57
21. Deih zawkzaw khat peuhpeuh sim ding 59
22. Sermon leh Sumpi kaihhop zawhcianga Thungetna 60
23. Sep ding tuamtuan apna 62
24. Biaknatau apna 63
25. Thuhilhnatau apna 64
26. Biaknatau a vanzatte leh khuameivak khuamte apna 65

nuntak tawntungna lampi ah hong tun taken.

A siangtho Thungawm Pasion aw, pahtawina leh minthanna tu leh a tawntungin nang aa hi taken. Amen.

*Zingsang biakpiakna hungeelna om bangin biakpiakna kizom suak
thei;
(aihkeh)*

Nekkhop biakpiakna hun tawh zomsuak thei.

Thungetna

Topa, kote Pasion, lungdam kipaktak in na vanglian tokhom mai ah kong pai uh a, mihing khut tawh a kibawl hih van leh nate na biakinn siangtho sungah zat dingin leh na minthanna leh pahtawina a kizang dingin kong ap uhi.

Hih tuikuangpi tuiphumna ah zat dingin na vanglian khut sungah kong ap uhi.

Thumgawm Pasion, Pa, Tapa leh Kha Siangtho van leh nate kong apte uh hehpihna tawh hong sang in; na thupiak leh na kammal tawh hong kizomsak inla, mawhmaisakna, sihna leh Dawimangpa khutsung pan suahtakna vante hong suaksak a, na Kammal leh kamciamna a muang mite tungah tawntung gupkhiatna hong ngahsak in.

Nekkhop hunsunga kizang moh kuang na hehpihna sabuai tunga koih dingin kong ap uhi.

Nekkhop cianga kizang hih lenggah tui koihna thawl na hehpihna sabuai tunga koih dingin kong ap uhi.

Moh hawm cianga zat ding hih kuang (Paten) na khuat sungah kong ap uhi.

Lenggahzu pan Topa sisan taktak hawm na dingin hih *hai* (Chalice) lenggah tui hawmna dingin kong ap uhi.

Thumgawm Pasion, Pa, Ta leh Kha Siangtho aw, kong ap van leh nate nang adingin hong sansak inla, singlamteh tungah sihna a thuakna pumpi leh kote adingin singlamteh tungah a kibua khialhna neilo na sisan hangin mawhmaisakna, diktanna, nuntak tawntungna leh gupkhiatna in na kammal um in kisikna lungsim a nei mite tungah hong tung taheh.

Hih khuamei vakna khuamte zong kong ap uhi. Hih khuamte tungpan hong khuavak in siangtho lungdamna khuavak limlakna hi taheh.

Thumgawm Pasion, Pa, Ta, leh Kha Siangtho aw, kong ap uh hih khuamei khuamte nang adingin hong sansak inla, lungdamna khuavak kizel in, khuamial mawhna khempeuh tungah hong tangin

TUIPHUMNA

(THE ORDER OF HOLY BAPTISM)

Kanghamsa khat a kituiphum a leh a kipsakna laklai ding cih ama a dingin kisam nawnlo hi.

A naupang laiin a kituiphum nailo mi khat, mawhna kisikin, Khrist sungah upna neiin a siangtho tuiphumna a lunggulh leh, a tum a lut nopna pawlpi khat peuhpeuh ah a masa in Khristian upna a kihilh masak kul hamtang ding hi.

Khanghamte kituiphumna pen biakinn sungah tautung pan in mite muh kim dingin bawl ding kisam a, thu poimawh buaina dangte pen makaite gelsiamna bang hi ding hi. Thu poimawh leh thukin a simtham tuiphumna a kibawl peuhmah pawlpi mi khempeuh theih dingin zaksak hamtang ding ahi hi.

Tui kiphumna a sang thak mi khat a dingin, tomkim hilhciatna leh thuhilh ciatna Minister in a neih ciangin:

“Kong it mahmah sanggam aw: Nicodemus tungah, i Topa leh gumpa Jesu Khrist in a gen mah bangin: Tui leh Kha Siangtho tawh mi khat a suahtak keileh Pasion gam tum theilo ding uhi. Si le sa tawh a suak mite si le sa tawh hi a, Kha tawh a suak mite Kha Siangtho tawh ahi hi. Adam mawhna hangin mihing khempeuh mawhnei sa-in piangin, Pasion hehna sungah om uh ahihman a tawntungin a mangthang dingte ahi uhi; ahi zongin, Pa Pasion hong deihna leh hehpihna hang bekin, Tapa khatbek a neihsun Jesu Khrist i mawhna khempeuh hong paih siangsak khinzo hi. Tua ahihman mi khempeuh in, Khrist Jesu sungah thuman thutaka om lam phawkkik in tatkhiatna I ngah theih nading hehpihna thupha a tangko dingin ama Pawlpi hong ap ing. Matt 28 sungah a genna ah:

“Note pai unla, mi khempueh, keima nungzui suaksakin, Pa, Tapa, Kha Siangtho mintawh tui sungah na phum un.” (Matt 28:19). “Leitung mun khempueh ah pai kawikawi unla, mi khempueh tungah lungdamna Thu na hilhta un. Lungdamna Thu um in tui a kiphum mi peuhpeuh in hotkhiatna ngah dinga, a umlo mi peuhmah in mawhsakna thuak ding uhi.” (Mark 16:15-16).

Tua bang ahibleh, Khrist hong thupiakna bang gamtatna leh hong kamciamnate muanna tawh Khristian upna thugui letna tawh kituakin tuiki phum ding lunggulhna lianpi a nei ahih(nu/pa) pen, vantung a om i Pa Pasion in hong thukimpieh theihna ding leh thupha namkim a ngah theihna dingun thungen ni.

A vanglian leh tawntung Pasion aw, nangsung ah upna hong nei thei dingun a lian mahmah na hehpihna tawh hih nasila Pa nasap manin nangmah kong pahtawi uh a; lungsim mit totna pan hong hepkhiatsak inla, na hehpihna kongkhakte hong musak in; naKha Siangtho siansuahna tawh ama nuntakna hong picingsak in, hong thaksuak sak in, hong kipsak in, nuntak tawntungna hong piaksak in, kha lungmuanna tawh nisimin khangto in, a hangsan galdo siampa hong hisak inla, nitawpni dongin a kip, a linglo cihtakna a nei mi ahihna ding na Tapa Jesu ka Topa uh min suangin thu kong ngen uhi. A men.

Thu um mite khukdin in, a lutung vuah khutnga in Minister in thu a ngetsak ding ahi: *Vantung a om kote Pa aw; Na minsiangtho taken. Vantungah na deihna a kicin mah bangin hih lei tungah hong kicing taken. Nisim ka nekkhop dinguh an hong pia in. Ko honglang pan mite mawhna ka maisak uh mahbangin kote mawhna zong hong maisak ta in. Ze-etna ah hong paipih kei in. Dawimangpa khut sungpan hong honkhia in. Ukzawhna vangliatna, minthanna nei tawntung ta in. Amen.*

Na sungtum na pusuahna ah a tawntungin Topa in hong cing hong kem tawntung taken.

Thu um mite dingin

mintawh a kikhawm tengin na min tawh hih Pulpit kong ap uhi. Kiniamkhiatna tawh kong thungetnate uh, na maipha hong lakin, kote lak ah hong om in, ciangtan omloin na thupha tawh kasepnate uh thupha hong pia in. A vanglian nakhutme tawh hih Pulpit hong lawngin, nangma a dingun hongkipsakin, a siangtho Tothum Pasion khat aw. Upna manlo thuhilhna manlo leh mihingte ngaihsutsia te a kipulak lohna dingun hih Pulpit hong kepsak a, thutak laigil leh sianthona tawh na kammal nungta bek nitawpni dong a kihilhna dingun thupha hong pia in. Bang thu gen ding cih a theihtheihna dingun a nungta na kammal na nasemte lei ah hong guang inla, thungai mite lungsim a lawng thei dingun na nasemte tungah vangletna leh thahatna hong guan in. A zakna uh tungtawnin, “Bang sem ding ka hi uhiam?” cih zah dongin kipuahphat nopna lungsim a nei thei dingun na nasemte hong ompih a, kisikkik na man leh, mawhmaisakna ngah in, diktanna leh gupkhiatna hong ngahsak ta in. Hunkhat lai in, Peter thupha na piakman ngen sungah ngasa tampi a matmah bangin, nangma Kammal a kitangkona hih Pulpit zong a kicing thupha hong pia in. Thungai mite in a mawhna dinmun uh kiphawkkik leh kisik kikna a neih theihna dingun na thukham a kihilh ciang zong thupha hong pia in. Lungdamna thu a kitangko hun ciang zong thupha hong pia in, tua hileh na hehpihna hangin thungai mite lungnuam in, hehnepna ngah leh nangmah upna leh muanna a thahat theihna dingun, nitawp nidong a kem siamte ahih theihna dingun thupha hongpia in. Pa, Tapa , Kha Siangtho minsuanguin kong thum uhi. A men.

Biaknatau tung vanzatte leh khuameivak khuamte apna

Topa, ka Pasion uh, a nasem Moses in biakna tau a ding vanzat tuamtuamte na tungah hong ap mah bangin, na hehpihna tokhom mai ah hong pai in Tapa Jesu Khrist min in hehpih takin hih vante na minthanna ding leh pawlpi noptuam khantoh na dingun hong sang in cin kong ap uhi.

Topa, hehpihna leh vangliatna Pasion, a citak na nasepte Abel, Noah, Abraham leh a dangdangte in na minthang hong zahtakna tawh biakna tau lam in hong biakpiaknate sansakin a lungkim Pasion nahi hi. Kilawmna a neilo na nasepte nong hehpihna mittawh hong en in, na minthang vanglian kilatna ding in hih biaknatauh kong ap uhi. Na mite in na nasepte tungtawn in kong lui uh lungsim biakpiaknate na mai ah san thamcing hong suaksak ta in. Hih biaknatauh tungpanin kong thum kong tau thungetna te uh hehpihna tokhom tung pan hong za hong ngai in. Hih tautung pan a kipulak ding na kammalte thupha hong pia inla, na kammalte a guakin hong ciahkik loin, a tunna munmunah phungpha gahpha sakin. Hih tautung panin mawhpulakte, thu-um mawhneite, mawhna vangik pan suakta in, Gumpa Topa hangin a lungdam a kipakte hong suaksak in. Hih tautungah mawhmai ngahna ding, diktan ngah nading, nuntak tawntungna leh gupkhiatna ngah theihna ding in a kistem ding Sacrament-te thupha hong pia in. Hih tautung pan a kistem nangmah zahtakna leh na minthang a kilat nading in kithuhilhna leh khantohna ciangtan neilo na thupha tawh hong tuam ta in. Kiniamkhiatin kong thungetna uh hong za in ci-in Topa, Gumpa, Jesu Khrist min suangin kong thum uhi. Amen.

Thuhilhatau apna

Siangtho pen Pasion, ka lungsim ngaihsutnate uh nangma lamah hong hei in hih pulpit thak na kammal siangtho thutak laigil leh siangtho takin na mite tungah a kitangko na ding in tu in na tungah kong ap uhi. Hih pulpit a luah khempeuh nangma deihna bang hong lungkimsak hi henla, na pawlpi gupngah nang leh kilamsang in na minthanna hita hen. Jesu Khrist Topa Gumpa aw kong thumna uh hong za in.

Thungetna

Kongit Topa leh Gumpa Jeus Khrist, mi honpite nathu hihna ding in, Simon Peter gungkuang nazat mah bangin, kote hih munah na

Amin,..... Mipite leh Pasion mai ah anuaia om bangin dotnate na dawng ding hi.

Dawimangpa leh ama nasep lampite na nusia ding hiam?

Ka nial mah ding hi.

Avanglian Pa Pasion na um takpi hiam?

Vangtung leh leitung a bawl Pa Pasion ka um takpi hi.

Jesu Khrist na um takpi hiam?

Ama Tapa khat bek ahi, i Topa Jesu Khrist ka um takpi hi. Amah pen nungak siangtho Mary tungtawnin Kha Siangthoin gaisaka, hong-suakin, Pontius Pilate ukpa khutsungah gimna bawlsiatna thuakin, si in kivui hi; Leinuai gam ah amah paisuk a; nithum zawh ciang sihna panin amah hong thokik hi; Vantungah kahto in, Vanglian Pa Pasion taklam ah tutna za a ngah hi; Tua zawh nung ciangin, a si leh a hingte thukhen ding in amah hong kumsukkik ding hi.

Kha Siangtho na um hiam?

Kha Siangtho leh siangtho Pawlpi, mi siangthote kipawlna; mawh-maisakna; pumpi ci le sa thawhkikna leh nuntak tawntungna ka um hi.

Khristian ngeina tawh hibang tuiphumna na lunggulh hiam?

Ka lunggulh takpi mah hi.

Tua ahileh Church of the Lutheran Confession of Myanmar(Pawlpi) kalsuanzia om bangin, upna kip leh siangtho nuntakna tawh huntawpni dong kip leh khotakin na nungta ding hiam?

Pasion panpihna tawh ka nungta ding hi.

Tua zawh ciangin tuiphum nading kuang sungah a kituiphum ding nu/pa paipihin Minister in tuiphumna pia in; hibangin ciding hi;

“Amin:..... Pa, Tapa leh kha Siantho mintawh nang kong tuiphum hi. Amen.”

A kituiphum pen khukdin in, Minister in a taklam khut a lungtungah nga in; hihbangin ci ding hi.

“Vanglian Pasion, Ka Tapo pa Jesu Khrist pianna Pa, na itna leh na Kha Siangtho tawh tuiphumna tawh hih mi Pa/nu mawhna maisak inla, a kitatsat ngeilo na itna kip tawh hih mi Pa/nu thadipna leh nuntak tawntungna hong guansak ta in. Amen.”

Tui kiphum mi pa/nu dingin

Church of the Lutheran Confession of Myanmar

Pawlpi mikhatna hihna tungtawnin, a kip tawntung ding pawlpi mikhat leh Topa ankuang umkhawm dingin, tuiphumsa khat na hih manin, Khrist min in kong muak a, upna lamah kip le kho semsem in, siangtho nuntakna tawh gahsuh in, etteh takcing upna tawh na gah khia ding hi.

Lemna daihna hong tung taken.

Thungen dihni:

“Vangtung Pa Pasion aw, nangma sungah upna leh na hehpihna telthei sangthei dingin, hong kamciamin nongsapna hangin kalung damna uh kong puak uhi. Katheina uh hong khangsakin, up na piching ka neisemsem zawhna dinguh thahat na hong piain ci-in thu kong ngen uhi. Hih ka sanggam Pa/Nu uh Khrist sungah na Kha Siangtho tawh hongdimin la, nuntak tawntungna leh gupkhiatna a luah dingin hong siam in; nangma sila/nasem muanhuai suak tawntung in, na kamciamnate a luahzo tawntung dingin hong siam inla, Na tapa ka Topa uh Jesu Khrist mong neilo vangliatna leh ukzawhna a nei Kha Siangtho tawh a kipawl Jesu mintawh thu kong ngen uhi. Amen.”

KIPSAK BIAKPIAKNA

pahtawina latuamtuamte leh kha late sakna ah na minthang hong kilangsak tumtheih vanzat hong hisak ta in.

Tausang tunga kikhai Pawlpi (*Daak*) thupha hong pia in, daak ging a zak hunhun ah biakinn ah pai in nangmah hong bia dingin lungsim phong daak hong suaksak in.

Nangma minthanna dingin a kizam banga zat theih ding hih pawlpi vanzat tuamtuamte hong siansuah in.

Topa aw, na Kha Siangtho hong buak in, kote khatciat nangma biakinn kahih uh mah bangin natungah kong siantho cihtak zawhna dingun na Kha Siangtho huhna hong pia in, hih leitung biakinn pan kote nong sap ni hunciangin na vantung mite tawh na minthang hong pahtawi khawm dingin hong huh ta in: Siangtho, Siangtho, Siangtho misiangtho khempeuh Topa aw. Amen.

Sep ding tuamtuamte apna

Kong thungetna Kha Siangtho hong thumsakna hangin Pa Pasion khut taklam a tu i kha nuntakna hong kem Jeus Khrist mai ah a santham cing hong hisak in. Tua hi a, na nasempa keimah sep dinga hong kipia teng leh a dangdang a kizamte Pasion biakna dingin siangtho ngimna tawh na lianpi a kisp theihna dingin Pa, Tapa leh Kha Siangtho minsuangin hih innpi kong ap uhi.

Biaknatau apna

Na min suangin, hong huhthei Pasion, na minthang leh naliatna akilatna dingin hih *Biaknatau* kong ap uhi. Na hehpihna leh na siantho na thupha tawh hong tuamsak in. Ka lungsimte uh hong siansuah inla, a santak biakpiakna kong lui theihna dingun upna picing hong guan in. Khut tawh kasepna uh tungtawn in na minthang in nangmah hong kipahtawi henla; siangtho nasepna ah sepsiam nading, pahtawina leh phatna, biakpiakna ah hong siansuah in na hehpihna tawh hong gumkhia in. Kong thumnate hong za in ci-in Tapa, Topa, Gumpa Jesu Khrist in thupha ngah tawntung taken.

Thungetna

hongteng den taken. Nangmah bia dingin hihmun ah hong pai khempeuhna gupkhiatna ngah kimin, biakinn kisap nawnlorna mun Pasion' khuapi ah vantung mite leh na misiangthote tawh kipumkhat in nangmah kong pahtawi theihna dinguh hong huh ta in. Kong thumnate uh hong za hong ngai in ci-in Jesu Gumpa minin kong thum uhi. A men.

III

Topa Pasion, nangma ten nading biakinnpi kiniamkhiatna tawh ap theihna hun manpha nangmin tawh tuni in nong zatsak theih manin zah takna leh pahtawina nangma aa hitawntung taken. Na kammal Siangtho tangkona, leh siangtho thupiaknate a sepna tungtawnin na hoihna tawh kote hong tuam in. Thutak laigil leh siangthona tawh kote tungah na Kammal kipulak a, Tapa Gumpa, Jesu Khrist hong thupiakna tawh kizui in Sacramente a kizek theihna dingin leh na mite hong siansuah a, nuntak tawntungna a ngah theihna dingun hong huh in.

Nekkhopna a dingin a kizang hih biakna tau na tungah kong ap uhi. Ama pumpi leh a sisan tawh a tawntungin thahatna leh sianthona hong pia in. Hih biakna tau pen nangma hehpihna tokhom hong suaksak inla, mawhnate amai na leh gualzawhna Topa Jesu Khrist in hong paipih na mun hong suaksak in. Hih biakna tau pen na miten biakna hong paipihna mun hong suaksak a, nupa kiteng cilten thupha a sanna leh thuman lungsim tawh nangmah hong bia miten huhna a ngahna mun hong hisak in.

Topa aw, hih tuisawpna kuangpi hong siansuah in, tua hileh tuisawpna sung pan suahkikna a ngah khempeuh in gupkhiatna leh nuntak tawntungna ngah ding uhi.

Hih pulpit (*Thugennatau*) na tungah kong ap uhi. Nangma kammal siangthote bek kitangko a, hotkhiatna lungdamna thu kitangko in a zate in thupha ngah in, zakna leh nuntakpihna a pianna mun hong suaksak in.

Topa aw, hih tumtheih (*Organ*) hong siansuah in, nangmah kong

Nungzuipite upna (Apostle's Creed) cih zingsang simin lasakna tawh a kizat khitciang leh nitak biakpiak kikhop lasakna a kisak zawh ciangin;

[Nungzuipite Thu Up: (Apostol Creed)]

Na khempeuh a bawlthei Pasion, lei leh van bawlpa ka um hi. A Tapa khat Jesu Khrist i Topa ka um hi. Amah pen Kha Siangtho in gaisak-a Nungak siangtho Mari sung pan mihingin hong piang hi. Pontias Pilate khutnuai ah bawlsiatna thuak in, Singlamteh tungah kikhil a, a sih khit ciangin kivui hi. Misite khua ah tuaksuk a, nithum a cin ciangin misite lakpan in a thokik hi. Vantungah kahto a, na khempeuh a bawlthei Pa Pasion taklam ah a tu hi. Tua mun pan in misite leh mihingte' thu khen dingin hong paikik ding hi; Cih ka um hi.

Kha Siangtho Pasion; Pawlpi siangtho; Misiangthote kithuahkhopna; Mawhna maisakna; Pumpi thawhkikna; leh Tawntung nuntakna ka um hi. Amen.]

SITCIATNA

Anuai a thute sim ding hi.

St. Paul in 1 Cor 11: 28 sungah hilhciatna a neih mah bangin Pawlpi kalsuanzia thuman thutakte naupangten hong thei uh takciang amau le amau a dinmun uh kisittel thei dinguh a, tua ciangin amaute nekkhawpna sungah kihel thei pan ding uhi. Ahi zongin, nekkhopna a neihma un thu um mipite mai ah sittelna leh kipsakna neih masak ding kizam hi.

Q. Minister in kilawm kituak a sak bangin sittelna tawh kisai a nuai a bangin makaih ding hi.

Kong it mahmah sanggam aw: Kha Siangtho tuiphumna a cih in, suahtakna leh Kha Siangtho tawh thaksuahna ahi a, i Gumpa Jesu Khrist tungtawnin kicingtaka, eite tungah Pasion in hong piak ahi hi. Ama hong hehpihna hangin eite in diktanna kingah a, nuntak tawntungna a luah dingte ihi hi. Hih nekkhopna hang tawh ama kam ciamna leh hong hehpihna gamsungah hih naupang note hong sansak in, upna hong guana, Khrist Pawlpi mite leh ama Kha Siangtho biakinn te hong suaksak hi.

Sihtan pha dongin nacihtak zaw leh nuntak tawntungna lukhu kongpia ding hi. Atawptan dongin Pasion hong ngimsakna tangtungin, naupangte zong hehpihna sungah khangto a, thu ummi khat in theih ding a kilawmte a theihtheih nading in Topa piak thu khunte a nuntakpih theina dingun Sawltak Paul in a gena ah: Pawlpi adingin, na tate uh Topa sungah pantahin hillna leh lamlahna nei un; Simon Peter tungah sep ding a kipiakna ah: *Ka tuute na vak in.*

Khrist thupiakna tawh kizui in, naupangte pen Pasion thu tawh hill a pattah ding ahi hi. Hong picing in hong khanliat uh ciangin, Pasion thupiakte hong theitel dinguh a, Siangtho tuiphumna hangin Pasion hehpihnate theisiam in a nisim nuntakna uh ah, a lungtang uh Pasion tunga piakhia tawmin, Pasion lampi leh zia bangin a khamit uh kikhong in nuntak pih ding uhi. Atuam vilvel in cileng, amau le amau kisittel tawm thei in, Topa pumpi zong khencian thei in, a siangtho nekkhop kilawmtatna ah Pasion tawh hehpihna thupha sangkhawm thei ding uhi.

Tua bang Pasion thu pilna leh upna a khantoh theihna ding thapiakna ah, **Kipsak Biakpiakna** cih Lutheran Confession Pawlpi in a zuih a zat ngeina thupi khat ahi hi. Pasion mai leh thu-um mite mai ah upna thutak leh zuih ding thukhunte Pawlpi mi peuhmah in a pulak ding ahi hi. Thu um Pawlpi in Pasion thusim leh thuthukte neih uh ahihmanin, hong tumthak Pawlpi mikhat peuhpeuh in zong, tua bang thuthuk thusimte nei uh ahihman Jesu Khrist sisan

na hehpihna tokhom tungpan hongza ta in. Na nasepa biakpiak nasepa tungtawn in, Na kammal siangtho tangkona, leh siangtho thupiakna te a sepna tungtawn in na hoihna tawh kote hong tuam in. Thutak laigil leh sianthona tawh kote tungah na Kammal kipulak a, Topa Gumpa, Jesu Khrist hong thupiakna tawh kizui in Sacrament te a kizek theihna dingin leh na mite hong siansuah a, nuntakna a ngah theihna dingun hong huh in. Amen.

II

Topa Jesu Khrist, Tuucing mangpa leh kha nuntakna khempeuh a kempa, hih biak kikhopna innpi leh hong bia mi honte nong kepsak nading in thu kong ngen uhi. Hih na tuu honte hong kep hong dal sakin, nisim in mimal hong kibehlap in hong khantoh theihna dingun kong thum uhi. Na lungdamna khuavak hong tan pempam na dingin kong thum uhi. Na tuu honte leh tuu cingte thupha hong pia in, thuman thudik tawh amaute hong tuamsak ta in. Thuman gupkhiatna lampi leh nangma Kha Siangtho hangin aza mite lungsim tawng sungah na Kammal in zungkha a, leitung Gumpa a nungta Pasion na hihna hong tel a, kha sung leh thumanna sungah hong bual theihna dingun kong thum uhi. Na lungdamna thu hihmun panin, minam dangte leh leitung kiu khat dongah kizel in siatna ding sungpan mitam piten na thupha khuavak sungah a nuntak theihna dingun nong huh ding kong thum uhi. Hih munah a siangtho biakpiak nasepnate ah, na Kha Siangtho tawh hong mapisak inla, na mite tungah gupngahna thupha hong tangtungsak ta in. Nangma thumanpha a kihill thute in khang sawnte cihtakna tawh kempaisuak a, nangma sungah upna laigil tawh nungta in hong pahtawi theih tawntungna dingun kongthum uhi. Hih munpan in na tate in kong thunget biakpiak nate uh hehpihtakin hong za hong sangin. Nupa kitenna a kibawl dingte zong thupha hong pia in. Dah leh kap, lungsim kitam, lungleng khuangai a hong paite zong na vantung nopna leh lemna daihna tawh hong hehnepsak in. Kithuhualna, kilemna leh ki-itna in a tawntungin hih innpi sungah

ahi hi. Topa aw, hongsansak inla, nangma sianthona tawh hong ompih a, thupha sang dingin nangma kiang kong zuat ni donguh a tawntungin hong ompih in, Topa Jesu Khrist a minsuaging kong thum uhi. Amen.

II

Vanglian Pasion, hehpihna tawh kidim vantunga om Pa, tuni in kipahna lung simte tawh namai ah biakna honglui khawmin na hehpihna leh nong huhna kangah theihna dingun hih biakna tau thak mai ah a masapen kongpai uhi. Na vangliatna vantungte vantungah dimlet hitamah leh na hehpihna, na thutakna, leh na minthanna in hih leitung biakinn sungah kote tawh hong om khawm in ci-le-sa biak inn dinmun pan in kha nuntakna biakinn nong suahsak manin lungdamna thu kongko uhi. Na minthanna a kilat nang, na mite tatkhiat ngah nading leh kihilhna leh kilapsangna a suah theihna dingin hih innpi na mai ah santham cing hong suaksak ta in. Lungkim takin hih innsungah hong tum in; hong tengin thungetna, kha lasakna, kammal siangthote pulakna leh na mite khantohna leh thu kikhilhna mun hong hisak ta in. Kammal tawh kipulak zolo na hehpihna tawh kong thumnate uh hong za in ci-in Tapa, Topa, Gumpa Jesu Khrist a min suaging kong thum uhi.

SERMON LEH SUMPI KAIHKHOP ZAWHCIANGA THUNGETNA

I

Vanglian Pasion, misiangthote Topa, kong it uh vantung Pa aw! vantungte vantung nangawn in nangmah hong tuam zolo in, ahizong a minthang na minsiangtho hong kibiakna dingin hih leitung inn omna dingin na lunggulh hi. Hih a lamdang nong itna hangin ka lungdam uh a, a minthang na min tawh tuni kong ap uh hih innpi hong siansuah sak in ci-in thu kong ngen uhi. Kong thungetna te uh

leh a sa nekkhopna na sungah kihel thei dingin sam a, Pasion Kha Siangtho sangin hehpihna sungah a khantoh picing theina dingun, khutnga in thungetsakna tawh kip leh kho ling hetlo in, upna tawh kalsuan in nahoih nalian sem in gahsuaha a tawp dongtan a cihtakna hangin nuntak tawntungna lukhu a sang ding hi.

Hih munah, pawlsung tumthak mi peuhmahin, **Kipsak Biakpiakna** ah a kihel hamtang ding thukhun ahi hi. Tua ahihman tu in, thugol thulian pen ahi upna thugui letpite amaute tung a dong cian in, a upna leh a dinmun uh theitel theician takpi mah hiam? cih ngimna lianpi hang ahi hi.

- Q. Tua ciangin Pawlpi lutthakte pen a tomkim in, sitciatna neih ding hi.
- Q. La Dawngkhatsak zawh ciang, thuhilhna (Sermon) tawh zom ding hi.
- Q. Kipsak biakpiakna huntuum dangah a kibawl leh hih sitciat biakpiakna pen biak piak kikhop dangte mah bangin hial bawl ding ahi hi.

KIPSAKNA

Kipsak biakpiakna paizia ding pen zingsang biakpiakna; nitak biakpiakna; hunte ah kizangin la dawng khat sakkhit ciang hanthotna (sermon) tawh kizom ding hi.

Tuiphum ngah nailo khanghamsate pawlkhat tumthakte sungah kihel in, kigawm in, tuiphumna ah khanghamsate zuih dingte bangin zuisak in, Siangtho tuiphumna kipia theipan ding uhi. Amaute ahihleh kipsak biakpiakna kizam nawnlo hi.

Tuazawh ciangin, pawl tumthak mite tungah, minister in hibang in thugen ding: Kong it mahmah Sanggam aw: Naupangno nahih laitak mah un, Pasion' hong hehpihna tawh hong kamciam Siangtho Tuiphumna hong kipia hi. Tun ahihleh Pasion' kammal tungtawm

in, a manpha mahmah hong kamciamna theitel in, Pasion mai leh thuzui mite muhna ah Tothum Pasion khat na upna uh pulak in, amah tawh na kiciamnate uh kipsakin, na pumpi leh kha uh na Topa leh Pasion tungah a tawntung in a ki-ap na hizo uhi. (Hih bang kiciamna leh mihon mai a kipulaknate hong paikhawm note khemp-
euh in zong Khrist' thupiak zui in, siangtho tuiphumna a sang na hiciat uhi). Keima lamah na lungsimte uh suah khia in, hehpihna khemp-
euh a nei Pasion tungah maitai takin ama Siangtho Pawlpi a kem keima kong dot thute Topa mintawh nong dawng ding hi.

Tulaitak in, Pasion mai leh hih mipite mai ah, na kituipum hunsunga Tothum Pasion khat mintawh na kamciamte kip leh kho takpi dingin na um hiam?

Ka um mah hi.

Dawimangpa leh ama nasepte leh a lampite na nial ding hiam?

Kanial mah ding hi.

Pa Pasion na um takpi hiam?

Himah hi, Pa Pasion ka umtakpi mah hi.

Pasion Tapa na umtakpi hiam?

Himah hi, Jesu Khrist ka um mah hi.

Kha Siangtho Pasion na um hiam?

Himah hi, Pasion' Kha Siangtho ka um mah hi.

Lutheran Confession Pawlpi khat ahi dingin lunggulhna nanei takpi hiam?

Pasion kammal Laisiangtho in Pasion' humuap leh *Lutheran Pawl-
pite*

in Laisiangtho thuguilen in kalsuan takpi hicih na um hiam?

Ka umtakpi mah hi.

Minister leh mihonte biakinn thak sungah tum ding. Biakinn sung tumzawh ciang Minister teng biakna tau ah munla ding; Pawlpi upate biakna tau maiah kigual in dingin biaknatau tunga kizang vantuamtuamte minister khut sungah ap in, akikoih nading munciat ah Minister in koih ding hi.

Minister in hibangin gen ding.

Sangpen Pasion mihingte khut tawh kilam biakinn sung bekah na teng kei hi; Vantung leh leitung navangliatna leh na minthanna tawh kidim hi. A siangtho na Kammal leh biakpiakna hong kipi-
akna munah na lungkim in nong kipulak hi. Hih tawh kisai Moses tungah a gen in ah: Ka min akilawhna mun peuhpeuh ah kong pai dinga, thupha kong pia ding hi; Note nih leh thum keima mintawh na khawlkhop uh leh note laizangah kong om ding hi. Tuamah bangin Pasion kammal kipulak a, siangtho (Sacrament) biakpiakna in a kizat nading a kilam biakinn sungah Pasion' hehpihna hong kilangh in, amasapen in ama mintawh eite a kikhawm ihi hi. Tua ahihman Topa' kammal za in, ama tungah ih thungetna in eite hong siansuah ding hi.

Ladawng khat sading.

Zingsang biakna hungelna om bangin zom ding.

Thuciamthak (Epistle) simma in, hih munte sim masa ding:

1Kings 8:1-13; 8:22-30; 1Chron 29:1-20; Psalm 72; 84; 122; 138; Heb 10: 19-25.

DEIH ZAWK KHAT PEUHPEUEH SIMDING

I

Vanglian tawntung Pasion, Innkiu Suangpi ahi na Tapa tungtaw-
nin hih inn lianpi sungah thu-um kote hong gawmkhawma, nang adingin a kilam kha nuntak nang biakinn na maipha hongngat inla, na minthanna dingin kalam uh, nangmah phawkna dinga ka lam uh, nangmah hong kizahtak nangmun, na mite thunget nang mun

Tuaciang makai Minister pan lampi ah mihon te kigualin biakpi-akna thak lamzuan in, Pawlpi makai thuneiten a Laisiangtho ciat uh tawi kawmsa leh biakinn vanzat siangtho na tuamtuan zong tawikhawmsa in , mihonten la dawngkhat sakawmin hong pai ding uhi.

Minister in biakinn thak kongpi ah hihbangin ci ding:

Thungen ni: “Tawntung Pasion, a sangpen leh a siangtho pen muna om, na itna mit tawh kote hong en inla, na thupha tawh na inn dungah hong tumsakin cin na Tapa Topa Jesu Khrist minsuang in kong thum uhi. Amen.”

Pawlpi biakinn lamna ah thunei khatin kongpi tawhtang Minister tungah ap in Minister in hibang in gen ding:

“Kote hong huh, Topa in van leh lei a bawl Pasion ahi hi. Pasion hong hehpihna hangin hih Pasion innpi tuni in ap theihna ding eiten phalna ih ngah a; Pawlpi thukhun tawh kizui in, Pasion’ kammal tangko nading, Topa Jesu Khrist lam hong khunsaksa tawh kizui in a siangtho Sacrament piakkhatna dingin, Pasion’ minthang pahtawi nading leh lungdamkoh biakpiak thungetna mun dingin Pa, Tapa leh Kha Siangtho mintawh honna ka nei hi. Amen.”

Akikalh kongpi tawh Minister in ahon zawh ciangin, Pawlpi makai khat in kongkhakpi hongin hih anuai a Lai Siangtho munte aki dawngin sim ding. Psalm 24, 100, 122.

(aihkeh)

Minister in hibang in gen ding:

Lungngai unla, kongkhakte aw kihongin, tawntung kongkhakte aw, Minthang Kumpipa hong pai ding hi. Lungdamkohna leh phatna tawh ama kongkhakpi sungah lutun. Pa, Tapa leh Kha Siangtho tungah minthanna omden taken. Amen.

Lutheran Pawlpi mi minpua bek hinawnlo in, kipin kho in, nuntak pih, kalsuanpih takpi in puklo hoilo lampiallo in, gentheihna bek hilo in sih tanpha dongin na dinpih ngam takpi ding hiam?

Pasion’ pan paihna muangin, ka han ciam mah ding hi.

A nunung pen in, na nuntakna khempeuh a vanglian Pasion’ kammal ki-uksakin, cihtak kuhkalna tawh nungta kalsuan bek thamlo in, Khrist hong piak lungdamna tangko in, Tothum Pasion khat tungah upna, kampauna, leh sepna bawlna tawh sihtan pha dongin na cihtak ding hiam?

Pasion hong hehpih ding muangin, ka hanciam mah ding hi.

Tua zawh ciang Minister gen dingin:

Topa Pasion tau tungah na khut hongnga inla, na kamciam nasate kiptakpi hi cih lah theina dingin hong khukdin khawmsa in, ama thupha la in.

Tua ciangin, a kisangthak thu um mi khempeuh, khatkhat in ahi zong, ahon honin ahi zong mipi mailam hong zuan dinguh a, Minister in a om na dinguh lakin a khuttaklam uh a let zawh ciang Pasion tau mai ah khukdin ding uhi.

Tua zawhciangin, mimal khatciat tungah Minister in a khutnga in Pawl santhak mimalte a banban in a min uh a sim zawh ciang thupha piakna leh kipsakna phawkna dingin Laisiangtho mun sim in;

Amin,..... Topa Jesu a Pa Pasion in amah Kha Siangtho, kha pilna, hehpihna, vangliatna, sianthona leh Pasion zahtakna thupha hong pia taken.

(ahih keileh)

Amin,..... Upna sungah na thahat nading, hehpihna sungah na khanliat theih nading, haksatna sungah na thuakzawh nading, lametna kicing nuntak tawntungna na neih theih nadingin vantunga om i Pa in Jesu min in ama Kha Siangtho hamphatnate tawh hong thaksuaksakin hong khangcing sak taken.

(Aihkeh)

Amin,.....Jesu Khrist hanga ama tawntung minthanna tawh eite hong sam hehphihna khempeuh a nei Pasion in kicinna, kip leh khona, thahat nate upna tawh a tawntung in note hong kem den taheh.

(Aihkeh)

Topa tuangah thum khopna neikhawm dingin mipite Minister in a nuai a bangin makaih ding hi:

(Ih vekpin khukdinsa in thungen khawm ni).

Pasion in hoih leh pha a sakna bangin na sem ahiman hih mipite sunga amah hong kitawi sang in na hoih na lian na manpha amaute ading in hong sem taheh.

Vanglian tawntung Pasion, nangma siangtho nuntakna sungah kote hong piangsak na hihman kiniamkhiatna tawh na nasemte kong thum kong ngetnate uh hong maisak in. Amaute na vangliat khut tawh nong kepsakna dingin kong thum uhi; na Kha Siangtho amaute tungah omden taheh la; nangma kammal thuthuktheihtelna leh Jesu Khrist hangin a tawntungin a zuisiam dingin hong siam in la; a bei ngeilo nangma nuntakna leh thuneihna Pa, Tapa leh Kha Siangtho mintawh na neisak tawntung ta in.

Mipiten Dawngkik in: Amen.

(Aihkeh)

Vantunga om, Topa Pasion, amah hangin hong kipulak thuman thutak lungdamna ahi na Tapa Jesu Khrist thu hih mun a na nasemte tungah theihsiamna hong guan in, hong pomsak hongsansak na hihmanin a lian mahmah nangma hoihnate hangin lungdam ko in na minvanglian hong pahtawi in, kongphat uhi; a lungtang uh tawh um in, a kam uh tawh Ama min nong pulak theih manin lungdamna ko in Na min pahtawina kong pia uhi. Nangma Kha Siangtho mapina tawh thaksuah in thadimna tawh nisim nuntakna

pumpi hihmunah sih nuamtakin a tawngakna mun hong hisak a, a sia theilo a muat theilo vangliatna tawh amaute hong thawhkikni dongin hong kepsak ta in. Hih munah a dah a kap lungzuan khuangai khempeuh tungah na kammal tawh hehnepna tha hong pia inla, Jesu sungah a ihmute a hampaha ahah zawkna thu hehnepna kicing nong piaksakna dingin kong thum uhi. Hih munah dah leh kapte sungpan kha nuntakna sungah a si a om leh na Kha Siangtho tawh nuntakna hong piangsak in. Ka upna ka lametna uh tha hong dim inla, kote ciat a ding hong kieseha hun hongtung ciang lungnuamtakin nangma kiang kong tunkim hun dinguh ni thupi a muak ngam dingin. Na Tapa Jesu Khrist min suangin kong ngen uhi. Amen.

Mihonpi ten cikhawm ding:

Topa hong hilh thungetna

Vantungah a om, kote Pa aw, Nangma min siangtho taheh. Na gam hong piang taheh; Vantungah na deihna a kicin mahbangin, leitungah zong hong kicing taheh. Tunia ka khamkhop dinguh an hong pia in; Kote tungah hong mawhte ka maisak mah bangun, kote mawhna zong hong maisak ta-in. Ze-etna hong thuaksak kei-in, Gilopa kiangpan hong honkhia in; Ukzawhna, vangliatna, minthanna nei tawntung ta in! Amen.

Biakpiak hunzawhna dingin, la dawngkhat sa in, thupha piakna tawh hun man ding.

BIAKINN THAK APNA HUN SUNGAH ZAT DING

Biakinn thak a pna a om ciangin, Minister maikaipi leh ahuh ding Minister dangte leh Pawlpi mite in a zatsalui/amasa biakpiakna munah mangpha paih biakpiakna khat bawmasa phot ding.

hongpi in; nangmah hong pahtawi in na min kong thangsak ding uhi, Tapa leh Kha Siangtho min in kong ngen uhi. Amen.

Hih munte a kidawngin sim ding: Psalm 90; Gen 23; Jn 5: 24-29; Jn 11: 11-26; 1Cor 15: 35-58; 1Thess 4: 13-18.

La dawng khat sa ding.

Hanthotna/ Thugenna tomno khat neih ding.

Minister gen ding: Sihnapan in **tun in Khrist thokik zo** ahih manin ihmu in a si mite sungpan in gah masa pen a gah ahi hi.

Khitui tawh khai ci a tuhte lungdamna a nlakna tawh kidim ding uhi. Kap kawmsa in, khai ci manpha a vawh mi in, lungdamna buhlom pua in hong pua ding uhi.

Muat theihna munah a kituh khai ci in, muat theih nawnlohna munah hongpo dinga, simmawhna tawh a kituh khai ci in, minthanna tawh hong tho ding hi; zawngkhalna leh thanemna sungah a kituh khai ci in, vangliatna sungah hong thokik ding hi.

Thungen ni:

“Vanglian Pasion, si leh hingte Topa, ka mawhna uh hangin, sihna thuakin ka pumpi uh hong kipiansakna leivui ah a ciahkik ding mawhneite kahih manun ka mawhnate uh na mai ah kong pulak uhi. Ahizong nangma nong hehpihna hangin na Tapa Topa Jesu Khrist hong sihna leh sihna pan hong thawhkiknain, sihnagu tung leh hankhuk tungah gualzo in, ama sunga asi khempeuh hankhuk pan thokik in, ciangtan neilo kipahna tawh hong ding ciat ding kahih manun lungdam ko in, na min siangtho kong pawhtawi uhi. Tua hia, ka it mahmah uh..... a luanghawm thupha lametna sungah ap in, a kituh khai ci in leisungah muat in, hong pokhia kikin a nlakna a om mah bangin, a muat thei pumpi thanem nasung, zahpilh nasung, leh siat theihna sungpan thokik niciang hong thokik dingin sih nawnlohna minthanna leh vangliatna tawh Khrist minthanna pumpi a sun dingin hi siluanghawm nakhut sungah kong ap hi. Hih hanmun leitang nongcin nongkepsakna dingin, na misiagtho te

sungah upna tawh picing khangto in Pasion kihta zahtakna nei a, haksatnate thuaksiam in, Nangma thuman thutakte kemsiam leh amau tawntung gupkhiatna dingin adangdang nate tawh phat-tuamna a ngah theihna dingun kong thum uhi. Upna gah leh itna hong guatsak inla, Jesus Khrist tungtawn a kingah thumanna lukhu a ngah theina dingun, hang santakin nisim in galdo a, gualzawhna a ngahte ahihtheihna dingun, bei hun neilo uk zawhna leh vangliatna a nei na Tapa Jesu Khrist min in thu kong ngen uhi.

(Ahih Keileh)

A vanglian leh a nungta tawntung Pasion, a sisan tawh hong sawp siang leh amah tawh kivui khawma, **Siangtho Tuiphumna** sungah hih nangma nasepte nong kaihkhopman na Tapa Jesu Khrist min in Na tungah lungdamna kong puak uhi. Tua mah bangin, amaute lungtang sungah nangma lungdamna khuavak tawh a kidim theihna dingun nangma hoih luatna tawh na Kha Siangtho hamphatnate tawh, amaute na thaksuah na dingin kong thum uhi. Upna man leh thu thuk theisiamna amaute sungah hong khangssak inla, nangma nong sawl Tapa Jesu Khrist bek Pasion taktak leh aman ahihna kip leh kho lung muangtakin a theih kimna dinguh thu kong ngen hi. Khuamial vangliat nasepna pan hong kepsak inla, na Tapa' gam leh thu neihna amaute sungah hong phuhsak ta in; mawhmaisakna leh hotkhiatna a gah kote hong ompih tawntung in. Midangte a it theihna dingun, Kha Siangtho lungdamna leh Khrist sunga lemna daihna amaute lungtang leh ngaihsutna ah hong behlep sakin. Na vantung thuphate hong buak leteh thuman lampite amauten tawn leh zuiin, ci le sa nasepnate ah zong nialzo in, Dawimangpa' zolna leh khemnate nialzo in, cihtakna leh siantho na tawh nisimin na Pawlpi ading nasep in, lametna, lungmuanna thungetna, leh lawp mahmahna lungsim tawh Gumpa hong pai ding a ngak zote ahih tawntung theihna dingun a bei ngeilo ukzawhna leh a nungta tawntung na Tapa siangtho min suangin thu kong ngen uhi.

(Aihkeh)

A vanglian leh a nungta tawntung Pasion, ka upna uh hong piangkhiatna phungpi ahi nangmah in, Kha Siangtho leh tui tawh suahkikna a ngah thei dingin nangma nasemte hih na Pawlpi sungah nong kibehlapsak manin mong neilo na hehpihna kong pah tawi uh a, Khrist hong hotkhiatna thuthuk theihcianna leh na mite mai ah a neih uh vangliatna pulak in, amaute tunga na piak a lian mahmah nehehpihna hangin lungdamna kong puak uhi; na Kha Siangtho tawh amaute tha dimna hong piaksak inla, Topa kihtak zahtakna leh kha sung thuthuk pilna leh theihciamnate hong guatsakin; tua bang hileh na thu neihna gam sungah Khrist' kamciamnate a tawntungin kemcing thei ding uhi. Mawhna sungah a puk khak lohna dingun, nan zawhna ding vangliatna hong pia in. Satan in amaute khem bawl zokei taken.

Leitunga om mawhna kiciteng sungpan amaute hong kepsak in. Ci-le-sa duh leh deihna a zuih lohna dingun na Kha Siangtho lampi a tawn dingin hong huh in, sianthona leh thumanna tawh nisim nuntakna ah nangma nesemte dingin hong huh in. Uplahna, lampialna, pukna hoina, zuaukhemna leh thuman lo hillnate sung pan hong kem hong dalsak in. Amaute ngah ding lukhute mi dangten a laksak theihlohna dingun, a sih tanpha dongun upna laigil nei dingin hong huh in. Upna leh lametna ah kip leh kho in, mi siangthote tawh gamluah khawm dingin, a cihtak tawntung na dingun, bei hun neilo ukzawhna leh vangliatna a nei na Tapa ka Topa uh Jesu Khrist min in thu kong ngen uhi.

Minister leh mi honte dawngkhawm uhi.

Vangtungah om kote Pa aw, na min siangtho taken, na gam hong piang taken. Vangtungah na deihna a kicin mah bangin, hilei ah zong hong kicing ta in. Kote tunga hong khial mite ka maisak uh mah bangin kote mawhnate zong hong maisak in. Ze-et na ah hong paipih kei in. Dawimangpa khut sung pan hong honkhia in. Ukzawhna, vangliatna minthanna nangma aa hi tawntung taken. Amen.

minthanna nei tawntung ta in! Amen.

Siampi ngahtthakpa dingin, Siampiza a pia pa in a taklam khut lenkhawm in:

Pai inla, pivangtakinna tuu kem in, amaute tungah thu khempeuh a mu khol dingin Kha Siangtho in hong bawlkhin zo a, a sisan tawh a leisa hih Pasion Pawlpi nakem navak ding hi. Hih Khrist' tuu te tungah sawlzawhman hilo, kipiak khiatna tawh, fuh hawp sumdeihman ahilo lainatna tawh; Pasion' neihsa tungah thu neihna tungah thuneih nopna ahilo, tuu te etteh takcing dingin mapangin nasem ding hi. Tuu cing Mangpa hong kilat cingin, a vultheilo min thanna lukhu nangah ding hi. Mi tampi a ding thupha dingin tunglam pan Topa in thupha hong pia henla, nagahte a beingeilo nuntak tawntung na dong a gah paisuak dingin hongsiam taken. Amen.

Tuu cing dingin Siampiza a ngahtthakpa in, biakpiak hun a om laiteng makaihsuak ding.

HANMUN APNA BIAKPIAK HUN AH

Minister gen ding:

Pa, Tapa leh Kha Siangtho mintawh. Amen.

La dawngkha sa ding.

Kyrie pen simkhawm ahi zong, la aw tawh ahi zong sa ding.

Minster in gen ding: Thungen ni:

Vanglian Pasion, vantunga om Pa, na Tapa Jesu Khrist hangin sihna na susia a, hansungah hong kisialna hangin ama sunga si khempeuh siansuah in, ama hong thawhkikna hangin sihna vangletna susia in gualzo hi; mawhna hang leh sihna pan Na Kha Siangtho tawh kote honglo incin kongthum uhi; tuazawh ciangin, sihna sungah a tawlnga na misiangthote hehpihna tawh na vangam nuam sungah

dingin nangma tungah Topa in ama Kha Siangtho hehpihna thupha hong buak taken. Amen

Siampiza a kipe-thakpa lutungah, amau taklam khutciat nga in a dang Minister ten zong hih anuai a Laisiangtho munte sim ding: Joshua 1:7-8; Late 20:1-2; 27:1, 14; 84:7-8; Isaiah 52:7; Daniel 12:3; 2Corin 2:14-16; 4:6-7; 1Tim 4:6-7; 4: 16;

Siampiza a kipia pen in, Biakna tau lam maingat in thungen ding: **Topa Jesu Khrist**, Pawlpi lutang Tuucing Mangpa aw, na Kammal siangtho deihna tawh kituakin, hih na nasempa in muibun takin na lianpi a sepzawhna dingin thu kong ngen uhi.

Thuman cihtakna tawh Pawlpi sungah na a septheihna dingin na nasempa tungah lungsim kha thahatna hong guan in; na mint-hanna ding leh na gamtang zaina dingin a tawntungin hong zatsak ta in cin a siangtho Kha Siangtho Pa Pasion khatbek min suangin kong ngen uhi. Amen.

aihkeh

Topa Pasion, Vantunga om Pa, na Pawlpi a kem ding mite na sawlkhia a, tunglam pan hong pai na vangliatna tawh natuam hi; Topa Jesu Khrist a mintawh hih na nasempa a lungsim nong siansuah sakna dingin kong thum uhi; na Kha Siangtho tawh hong mapisak inla, cihtakna tawh nang a dingin nalianpi a sepzawhna dingin a thahat natakam khut tawh honglen in, na minthanna tawh hih thu ummite a khantohthona dingun ahilhsiam dingin hong huh in, Topa Jesu Khrist minin kong thum uhi. Amen.

Siampiza a pia pa leh Minister dangtengin hibangin gen ding:

Vantungah a om, kote Pa aw, Nangma min siangtho taken. Na gam hong piang taken; Vantungah na deihna a kicin mahbangin, leitungah zong hong kicing taken. Tunia ka khamkhop dinguh an hong pia in; Kote tungah hong mawhte ka maisak mah bangun, kote mawhna zong hong maisak ta-in. Ze-etna hong thuaksak kei-in, Gilopa kiangpan hong honkhia in; Ukzawhna, vangliatna,

La dawngkhat sa phot ding:

Mihonte tungah Minister in khutlap thupha piakna nei ding.

Topa in thupha hong pia in, hong kem taken.

Topa in note tungah a maipha hong tangsak henla, a hehpihna leh daihna hong pia taken.

Mihonte dawngin: Amen.

A gingkhia lo sdaitak in thungetna nei ding.

THU UM THAKTE SANNA

Zingsang sim biakpiaknate ah hih sanna kizang thei a, ahizong ahuum thungetna kipatma hihamtang ding hi;

Minister in mi hontungah hi bangin gen ding:

KHRIST SUNGAH KONG IT LAWMTTE AW:

Amin,.....in sanggam pa/nu in Khrist hong thupiaksa ommah bangin Pasion' kammal hong hilh ahi thutak laigil leh a siangtho ahi zuih dinga hong kihilhna bangin Church of the Lutheran Confession of Myanmar pawlpi sungah a lunggullhna ommah bangin pawlpi mi dingin kisang hi.

Tua ahihman, Pasion mai leh mihon mai ah, nang N..... hihthute dotna kong nei hi:

Pasion' kammal hong thuhilhna thuman thutakin khial theilo hicih Church of the Lutheran Confession of Myanmar Pawlpi pom zia san zia um taktak in na zui ding hiam?

Ka umtakpi mah hi.

Church of the Lutheran Confession of Myanmar Pawlpi thu um mite tawh kipawl khawm dingin kong san uh mah bangin Pasion' deihna leh awina bangin na zui na gamta ding hiam?

Ka zui mah ding hi.

Kha Siangtho thuman cihtakna leh Pasion maipha zongin leh thupha hamphatnate sang khawm dingin ngimna leh khensatna na neitakpi hiam?
Pasion panpihna muangin ka khensat ngam mah hi.

Nong kamciam sa om mah bangin, Keimah in; Church of the Lutheran Confession of Myanmar Pawlpi mikhat na hih kong kipsakta a, itna sungah kilawmta khawm dingin na taklam khut kong len hi; Pasion in hih ama Pawlpi tungah hong piak gupkhiatna hanga kingah thupha namkimte sangkhawm ding leh Topa'an kuang nekkhop a zang/a um khawm dingin, Pa, Tapa leh Kha Siangtho mintawh kong sam kong muak hi.

Ih Topa Jesu Khrist hong hehpihna thupha nang tungah hong tung henla, itna thuman leh Pasion deihna bang na lungsim hong thaksuaksakin, ama minthan nang leh a gam a dingin hong kem taken. A men.
Lemna daihna nangah ta in. Amen.

Minister in mihon tungah gen in:

KONG IT MAHMAH: Amin,.....in Church of the Lutheran Confession of Myanmar Pawlpi pen a siangtho Pasion'kammal thulai-gil bulphuh in kalsuan hicih a upna leh a pom theina Pastor leh hih Pawlpi Upa(thunei)te mai ah hong pulak hong kiciamzo ahihman ih Pawlpi mikhat dingin kisangta hi. Hehpihna khempeuh a kidim Pasion in a kha mit hong honsak a, lungdamna thutak umsak thei in, nitawpni dong kip leh kho a nuntak tawntungna lukhu a ngah dingin hong kepsak henla, upna laigil tak tawh a kalsuan tawntung dingin thupha hong piaksak taken. A men.

Deih kaih thugetna (ahih keileh) Ahuam thungetna (general prayer) neih zawh ciang Biakpiakna a ngeina bangin hial bawl ding.

bangin kalsuanin khua vak natangsak ding hi.

Kong it sanggam aw , hi nasepna sungah a kisapna bangin hih mihonte lakah nasem khawm dingin hong kisapna leh hong kitelna sang khin nahihman, sangpen Topa Pasion deihna om bangin Pasion ading leh mihonte a ding nakipiakkhiat ding thudot na kong nei hi:

Thuciambu a lui leh a thakpen a khial theilo, zuih leh up ding Pasion humop kammal hicih **na um takpi hiam?**
Ka um mah hi.

Akikhel ngeilo Augsburg kiciamna in Pasion' kammal a pulak leh Lutheran Confession Pawl- pi thuguilet let Augsburg Confession, Martin Luther hong khunsak thupi namnih ahi; Smalcald Articles leh Formula of Concord cihte in Lai Siantho tawh kituak hicin **na um takpi hiam?**
Ka um mah hi.

Hih Confession-te tawh kituakin, nasep nabawl nate ah ahizong, nahilhna leh na makaihate ah ahizong, Laisiangtho leh Confession te tawh kituakin ka semmah ding hicin **na um takpi hiam?**
Ka um mah hi.

A nunung pen ah: a siangtho nuntakna leh holimna t awh Gumpa' hong khunsak lampite na zahtak bawl ding hiam?
Avangliatna leh ama Kha Siangtho hehpihna tawh Topa in hong huh ding hi.

Siampi ngah thak dingpa khukdin in, siampiza a pia dingpa in a taklam khut a lutungah ngakhawms in, gen ding:
Tu in kei mah _____ in, Pa, Tapa leh Kha Siangtho mintawh Pawlpi thu ummite lakah siampina a sem dingin, siampiza leh thuneihna nangmah tungah hong pia in, kong ap hi. Sapna thupi nangahna tungtawnin, cihtak, kuhkalna tawh na lianpi a semzo

Kong sittelna uh tungtawnin, upna lamah picing in midangte etteh theih dingin leh mi dangte ahilhsawn thei dingin mi muanhuai khat nahih man, a sangpen leh a siangtho nasep nahih thu-um mite lakah a sem dingin nangmah kong tel kong sam uhi.

Hihbangin St. Paul in gen hi: A zenzen in mikhatpeuh in bishop nasep a sep ding a leh a mah in nahoih sep ding a lunggulhpa hid-ing hi cihpen a sanhuai thu khat ahi hi.

Eite pen Khrist' nasemcitakte leh Pasion' thusim a dingin nahoih semte ihihna midangten hong thusim taken.

Pasion thutak laigil leh a dangnate khentel siam inla, ahawmthoh huai leh a maizum huailo nasemcitak nahihna dingin Pasion maiah nangmah kisittel tawntungin.

Pasion kammal pulakin; banghunin kigingkhoh in, sitelin, hilh in, thapia inla, hibang sepzawh nadingin thuakzawh siamna nei in.

Ettehtak cing dingin nahoihsem in, thuman thutak genin, nuntak pih in.

Bishop a sem ding khat genbanna omlo in, Pasion' nasemkhat ahihna tawh a cilehsa deihna a nial zo, a hehpakpaklo, zukham lo, ngongtatlo mi, sum le pai ah duhhawp huaiham lo mi; hi ding hi. Ahizongin zindo siammi, itna leh hehpihna a nei mi, neksiam dawnsaim, thuman a deih, pumpi kikemzo mi, a lungduai thuaksaim mi, Pasion' kammal ahilhna bangin a nuntakpih mi, hi ding hi.

Tuabek thamlo Pasion' nasem ding peuhmah mi citak kuhkal tebek hi ding hi.

Hihna zuihsa upna khahsuah loin, kemcing suak lecin nangmah leh na thuhilh a zate khem-peuh in nuntakna ngah lawh ding hi. Khrist nasemte leh ama sawktakte na hihman bangun Pasion' kammal pulakin ama thuphate zek in. Pawlpi sungah zek dingin a kiesehsa tua thuphate in hong ngak in, mopi Jesu Khrist a lam dang a pumpi; thungetna tawh a mite tungah hawmkhiat dingin ahizong; a mite vakin, thu hilhin, kemin, ama sisantawh hong leisa a tuu honte lamlak ding ahi hi. Nisimin Laisiangtho sim a, hih naseplian sungah kipumpiak, nasepna sungah gahsuah a, upna sungah kiphungvuhin midangte etteh theih dingin nungta a, Pasion deihna

.....

PAWLSUNG TUMTHAKTE SANNA

(Mundang pan hong kikhinte)

Zingsim Biakpiakna sungah ahuam thungetna (general prayer) ma in, Sanna kizang dinga, Biakpiakna hun pen a ngeina bangin hial bawl ding hi.

Minister in hih mite santheih nang a nuaia bangin gen ding hi.

Kong it mahmah: Nangpen ko Lutheran Pawlpi mimal khat dingin kong sang kong kipsak uhi. (or) (mun dang pan nong kikhinna pan hih Pawlpi mikhatin kong sang uhi). Kote tawh kilawmta dingin kong santheih na dingun nang a dingin bangmah hong khaktan omlo ahihlam, Pasion maileh hih mihonpote mai ah sanna kong nei ding hi:

Hih Pawlpi thuneihna, tatzia pom zia, khalna leh kiukzia bangin gamta in na mang na zui takpi ding hiam?

Kazui, kamang mah ding hi.

Minister in, a khut taklam tawh len in, a gen ding:

Na kamciamna om bangin: Keimah in, hih Pawlpi mintawh kote tawh Topa' ankuang umkhawm dingin, kilawmtatna leh itna lahna limin na khut taklam letna tawh kong muak uhi; hamphatna khemp-euh leh thuneihna nei thei dingin hih Pawlpi in kong muak uhi. Vanglian Pa Pasion thupha, Topa hotkhiatna, leh Kha Siangtho ompihna in tuleh a tawntungin nang tung ah hong om den taken.

Sinnuam lungnuam takin innlam zuan ciat ding.

KITENNA (Pumkhat Suahna)

ah zat ding leh zuih ding (atom in)

A kiteng ding nupate pen Pasion; taumai (Pulpit) ah mun na la khol in, Mopa taklamah, monu veilam ah munla in, tuaciang Minister in a gen ding:

Kong it mahmah sanggamte aw: Ih Topa Jesu Khrist in thupha a piaksa mihingte nopsakna ding leh khantohna dingin Pasion hong lamlahsak hih pasal leh numei siangtho kitenna (pumkhat suahna) ah a theihpih dingin Pasion mai ah eiteng a kikaikhawm ihi hi; St. Paul hong hilhna om bangin Khrist leh ama Pawlpi pen nupa tawh a genteh mah bangin mi khempeuh in kitenna zahtak ding ahi hi. Lai siangtho hong hilh mah bangin kiciamna a neisa nupate kua mah in khen kei taken. Ih gumpa hong pulak sa mah bangin Pasal in a pa leh a nu paisan in a zi kiang zuan dinga, amaute pumkhat sakhat suak ding uhi. Sawltak tungtawnin thuhilhna ih zaksa mah bangin nupate kithei siam kisang siam in, ki-it a, thanemnate ah khat le khat kimaisak in, damloh hun, lunggim hun, dah le kah hun ah tha kipia in cihtakna tawh a nungta leh thungetna tawh kihanthawn in, hehpihna thupha a sangkhawm dingte ahi uhi.

Kong it mahmah sanggamte aw: St. Paul in hong thupiaknasa om mah bangin a siangtho kitenna tawh Pasion' mai ah pumkhat suahna a nei hih pa leh nute bangin eite hihmun ah ih kithuah khawm a, hih bang kitenna pen mi khempeuh in Pasion zahtakna tawh thupi leh siangtho ngaihsun ta uhen.

Hih nihte pan: Siangtho kitenna (pumkhat suahna) anei dingin hihmun ah hong pai uh ahi hi. Hihmuna hong pai khawmte lak ah khat peuhpeuh in, azenenin, hih (pumkhat suahna) tawh kisai thu nawngkai khatpeuhpeuh om hi a ci na om uh leh tu mahmah in genta un.

Tua ahih leh hih kitenna thu ah, thu nawngkai hong khaktan thei

hong pia in; Kote tungah hong mawhte ka maisak mah bangun, kote mawhna zong hong maisak ta-in. Ze-etna hong thuaksak kei-in, Gilopa kiangpan hong honkhia in; Ukzawhna, vangliatna, minthanna nei tawtung ta in! Amen.

La dawngkhat sading:

Minister in gending: Thupha piakna

“Topa Jesu Khrist hong hehpihna, Pasion hong itna leh Kha Siangtho tawh kilawmtatna note tawh hong omkhawm taken.”

MINISTER KHAT SIAMPIZA PIAKCIANG ZAT DING

Hih thupiakna pen zing kikhop biakpiak leh nitak biakpiak hun ahumpi Thungetna sungah zat ding, Hanthotna (Sermon) zawhchiang la dawng khat sa ding.

Siampiza piaknapen a kisehsa ombangin kipawlna (Synod) Thuvanpi (President) in makaih ding.

Hih Siampiza piakna mun ding pen a ngah ding pa Pawlpi ah kizang ding hi.

Siampiza a pia ding pa leh a koppihten siampiza ngah ding pa tawh biakpiakna tau maiah dingin, Siampiza a pia ding pa in hibangin gen ding:

Kong it mahmah sanggam: a nung zuite kiangah ih Topa Jesu Khrist in a genna ah: Leitung khempeuhah pai kawikawi unla, mi khempeuh tungah lungdamna thu na hilh ta un. Kong thupiakna om bangin Pa, Tapa leh Kha Siangtho mintawh amaute tui na phum un. A tawntungin Leitung bei dong note tawh kong omkhawm ding hi. Amah vantung a kahzawh ciangin na khempeuh hong kicing-sakin. Ama Pawlpi, Sawltakte, Kamsangte, lungdamna thu tangkote, Lai siangtho sangsiate, Pawlpi kem siate leh mi siangthote na sepna ah Khrist in eite tawh hong om khawm ding hi.

IV

Topa Jesu Khrist aw, si leh hingte, hankhuk sungah ihmu mite thokik sakin, thukhen dingin nong paikik hunciang mawhna thaman sihna pan kote hong thokiksakinla, thuman nuntakna ah nong hehpihna tawh hong pi inci-in kong thum uhi; hih nuntakna ka nusi at uh ciangin namai ah santham cing suakin kote adingin nong gelsak nagam nuam nuntak tawntungna minthanna leh phatna tawh kidim mun hong luahsak incin kong thum uhi. Amen.

V

Vanglian Pasion, vantunga om Pa aw, nuntak lungkham khualzinna sungpan hih hong paisan na nasempa nangma pilna leh na hehpih na tawh kikhenkhia in, lungkham singimna leh ze-et na, leitung dipkuatna a thuaklai ding kote tungah nongdal nongkep hehpihna hong kicing sakinla, hun tawpna tawntung mun muanhuai kongtun theihna dingun hong hehpih in, Topa Jesu Khrist min in kong ngen uhi. Amen.

VI

Vanglian Pasion, na Tapa Jesu Khrist hong sihna in sihna khempeuh usia a, hansung a tunna in, misiangtho dingte sihna pan siansuah in ama hong thawhkikna in a si thei nawnlo nuntakna ah hong tunpih hi; tua abihmanin ama sungah a simite lungdam dinguh a, hankhuk a om misi khempeuh in sihna tungah gualzawhna hang a kineih khemlo lungdam kipahna ka neih theihna dingun kong thum uhi; a nungta lai ko te zong vantung sate tawh kilawmta ding a ngak ka hihmanun, thawhkikna leh nuntakna nangmah tawh hong mang khawmsak ta in bei hunneilo Kha Siangtho Pasion aw. Amen.

Topa hong hilh thungetna

Vantungah a om, kote Pa aw, Nangma min siangtho taken. Na gam hong piang taken; Vantungah na deihna a kicin mahbangan, leitungah zong hong kicing taken. Tuni-a ka khamkhop dinguh an

khatpeuhpeuh a om kha hiam? cin nang kong dongh hi:

Amin..... aw hih nagei a om Amin,..... Na zi dingin nakhensat takpi mah ahi hiam? Siangtho takin Pasion mai ah tenpih ngam takpi ing naci hiam?

It in, hehnem in, zahtak in, dam hun nat hun ah kem in, na dangte khempeuh sangin amah bek itzaw in, ka nuntak laiteng amah bek ka tulpih ding hi naci hiam?

Ka tulpih mah ding hi

Amin..... aw, hih nagei a om Amin,....., Na pasal dingin na khensat takpi mah ahi hiam? Siangtho takin Pasion mai ah tenpih ngam takpi ing naci hiam?

It in, hehnem in, zahtakin, dam hun nat hun ah kemin, nadangte khemp-euhte sangin, amah bek it zaw in, ka nuntak laiteng a mah bek ka tulpih ding hi naci ngam hiam?

Ka tulpih mah ding hi.

Minister in a gen ding:

Hih pa zi dingin, hih numei kua in hong pia khia ding hiam?

Apianna Pa (*aihkeh*) a suahpih khatpeuhpeuh in:

Keimah in kapia ding hi.

Numei lampan, apianna pa (or) asuahpih khat peuhpeuh in ama taklam khut leh monu taklam khut kilen khawm sa in Minister khiangah hong paipih dinga, tua pasal in a taklam khut tawh hih numei taklam khut hong len ding hiam? acih zawh ciangin Monu Mopa kimai ngat tuah kawmsa in:

Kei mah Amin,.....,in Pasion' mai leh hih mi honte mai ah Amin,..... tenpih ka zi dingin kongla a; kasep ding a kilawm khempeuh sem ning ci in kong kiciam a; sihna khen loh buang nang kiang pan ka taikhia kei ding hi.

Monu leh mopa a taklam khut uh kiphel in; Minister in ama taklam khut tawh monu taklam khut len kawmin, mopa taklam tawh kilensak in hi bangin gen ding:

Keimah amin,.....in Pasion' mai leh hih mihonte mai ah Amin,..... Tenpih ka Pasal in kongla a; kasep ding a kilawm khempeuh sem ning ci-in kong kiciam a; sihna hong khen loh buang nang kiangpan ka taikhia kei ding hi.

Monu leh Mopa a khut uh kiphel in, kitenna zungbulh a kipiak dinguh leh hi bangin Minister in thu dong ding:

Na Kamciamte phawkna ding leh kepna dingin, nangmah amin,..... hih zung bulh hongpia ahihman, nangmah amin,..... na sang ding hi.

Minister in hih zungbulh a taklam hut tawh la in, mopa khut sungah ap in, mopa in monu veilam khutme nihna ah a bulh zawh ciang, Minister in hih bangin a genteng mopa in zui ding hi:

Cihtakna leh itna tawh pumkhat ih suahna leh ih kiciamna pawkna dingin hih zungbulh hong sang in.

aihkeh

Pa, Tapa leh Kha Siangtho mintawh Kei mah Amin,..... in hih Zungbulh kong sang hi. Amen.

(aihkeh)

(Zungbulh nih a kizang ding ahih leh Minister gen bangin monu leh mopa in zuikhawm ding.)

Hih zungbuh in, Keimah.....in Pa Tapa leh Kha Siangtho mintawh nangmah kong tenpih hi.

aihkeh

NA KIPIAK UH ZUNGBULHTE in, na nuntak sungun itna leh cihtakna tawh na tul dinguh phawkna leh kiciamna ahi hi.

Minister gen ding:

Na taklam khut kilen un.

Monu Mopa taklam khuttuak ah, Minister in a khut nga in:

Aw ka Pa tawntung Pasion, misite Pasion na hi a; leivui pan napi-ansak mihingte leh misite khempeuh nangma sungah nungta uh a; nangma thukhual hehpihna kong ngen uhi; sihna gu hong lausak kenla, hong lunggimsak loin, upna laigil leh ngaihsut hoih tawh a tawp dongin hong kemin; pilvangan hong nungtasak inla, nopna leh kipahna sungah khawngah dingin thupha tawh husan tawpna dinmun katun ni dongun hong kem in; nuntak kikna thupha tawh thokik dingin vantung mite pengkultum za a hankhuk pan a thokik dingin thupha hong pia in. Topa Jesu Khrist min in kong thum uhi. Amen.

II

Vanglian Pasion, na Tapa sihna in mawhna leh sihna tungah gualzo in, ama thawhkikna hangin nuntak tawntungna hong piang kik in, ni tawpni hong tunciang Dawimangpa ukna sungpan kote hong honkhia a, vangliatna tawh ka thawhkik hun uh ciang a muatthei ka pumpite uh sihna pan thokik a, nuntak tawn tungna nagam sungah kong tuntheih na dingun upna picing leh khammuanna kaneih zawhna ding un ka lungtangte uh hong puahpha inla, a tawpna ah nangma misiangtho khempeuhte tawh thawhkikna suangah a lungdam khawmte kahih theih nadingun hong huh in, na Tapa Topa Jesu Khrist min in kong ngen uhi. Amen.

III

A vanglian leh Tawntung Pasion, mawh maisakna, tawntung sihnapan hotkhatna leh hong thahatsak dingin hong kamciam Topa aw, nangma Kha Siangtho panpihna tawh nong hehpihna muanna lianpi nei a, nisim Jesu Khrist sungah ka upna uh khang in note sipaisuak lo ding ka hih lam uh lamet khalung muanna hong pia inla, hih sihna in tawmvei sung ihmutna hi in nuntak tawntungna a ngah dingin nitawp ni ciang ka tawhkikna ding un na Tapa Topa Jesu Khrist a min suangin thu kongngen uhi. Amen.

theilo dingin kikoih ding hi. Asia thei nate a siatheilo dinmun ah kikoih dinga, a muat thei pumpi pen, amuat theilo a kikoih zawh ciangin gual zawhna in sihna valh tum ding hi. Tua ciangin, sihna aw nagu koiah om hiam? Hankhuk aw, na gualzawhna koi ah om hiam? Mawhna gu-in sihna hi a; mawhna hangin Thukham hong piang hi. Topa Jesu Khrist hangin gualzawhna hong pia Pasion natungah lungdamna kongko uhi.

Hankhuk lei a kivuh laitak, Minister in hibangin gen ding:

Nangma lungkimna leh nakepna sungpan hih ka sanggam Pa/Nu a kha nuntakna leitung pan nasam khia a, ama luanghawm leitungah phum dingin kong ap uhi; a kha nuntakna hong kepsak ta in; lei panin lei ah; vut panin vut ah; leivui pan leivui ah; Topa Jesu Khrist hangin nuntak tawntungna ngah dingin thokik dingin lametna ka nei uhi; a muat thei pumpi pen a minthang ama pumpi bangin hong laihsak dinga; Topa in gualzawhna tawh ama deihna bangin nakhempeuh tungah thunei in, bawlthei hi.

Hih pumpi a piangsak Pa Pasion; Pasion' Tapa hih pumpi leh kha ama sisan tawh a tankhia;

Pasion' Kha Siangtho tenna dingin tuiphumna tawh a siansuah Kha in misite hong thawh kikni hun dongin hong kepsak taken. Amen.

Kazak awging khatin vantung panin hong genna ah: Topa sunga a site in thupha ngah hi a; amaute gim leh tawlana panin khawlana in; amau sepa thaman ciat sang ding uhi cin, Topa' Kha Siangtho in hong gen hi.

Ka up Pa nungta ahihman nitawpni ciangin ama maiah ka din ding kathei hi. Hih ka pumpi lungin a nek tumkhit hang, cilehsa mah tawh Pasion kamu veve dinga; Ka mitang mahmah tawh amah kamu ding hi.

Minister in a nuai a thungetna te khat peuhpeuh ngen ding: thungen ni.

Pasion mai leh mihonte(moliahte)mai ah, lungkimtak in Amin..... leh Amin..... hat leh khat kiciam in siangtho kitenna (pumkhat suahna) khut kilenkawm in, (zungbulh tawh kiciamna) kipsak in ka tangko hi; Keimah in, tu a kipan nupa kopkhat na hihna uh Pa, Tapa leh Kha Siangtho mintawh kipsak in ka tangko hi. Amen. Tua ahihman, Pasion in a gawmsate kuamah in khen kei taken. *Nupate khukdin in, Minister in thu ngetsak ding:*

“Tawntung Pasion, mihingte hong piang sak, hong cing hong kem, kha thupha khempeuh hong pia Pa, nuntak tawntungna hong pia Pa; na nasepte ahi hih pasal leh numei tungah na thupha hong tungsak in; amaute cihtakna leh ki-itna tawh nungta khawmin, a kamciamna bangin a nuntak zawhna dingun, leh itna nopsakna tawh nuamsa in nangma thupiakna bangin nungta in, hong tung ding nuntak tawntungna dongah kip le kho na a neih zawhna dingun ka Topa uh JesuKhrist min in thu konggen uhi.

Topa hong hilh thungetna

Vantungah a om, kote Pa aw, Nangma min siangtho taken. Na gam hong piang taken; Vantungah na deihna a kicin mahbangin, leitungah zong hong kicing taken. Tunia ka khamkhop dinguh an hong pia in; Kote tungah hong mawhte ka maisak mah bangun, kote mawhna zong hong maisak ta-in. Ze-etna hong thuaksak kei-in, Gilopa kiangpan hong honkhia in; Ukwawhna, vangliatna, minthanna nei tawntung ta in! Amen.

Minister in khutlap thupha piakna tawh:

Topa in thupha hongpia in, hongkem taken.

Topa in note tungah a maipha hong tangsak hen la, ahehpihna hong pia taken.

Topa in note tungah a maipha hong kilangsak in, lemna leh daihna hong pia taken. Amen.

SIVUI HUNBAWL CIANG KHUTLET DING

Tenna inn (aihkeh) Misi koihna buk ah

Biakinn ahieh keileh han pai ma in, misite' inn ah biakpiakna hun-
tom no bawl ngeina khat ahi hi.

*Hih khutlet bu bawlna ngimna in, thu-umsa mite a sih hun ciang sihvui
biakpiakna hunbawl ciang a zat ding bek ahi hi.*

Sihvui biakpiakna hun khempeuh misi inn ah a i bawl ciangin hih
anuai a bangin kizang ding hi.

La dawng khat sa masa ding:

Minister in anuai a la kam (Versicles)te khat pan a tamzaw sim ding:

Ih Pa Pasion leh Topa Jesu Khrist kiang pan lemna daihna leh heh-
pihna nang tungah hong tung taken.

Amahbek a sithei ngeilo ih Pasion in pahtawina leh vangliatna tu
leh a tawn tungin hong tung taken.

Eite hong huh Topa in, Vantung leh Leitung a bawl a piangsakpa
ahi hi.

Pa in a tate a hehpih mah bangin, amah a kihtate tungah ih Topa
in hehpihna khualna nei tawntung hi. Amah in eite i dinmun hong
thei in, lei vui pan a piangte i hih lam hong phawk hi.

Thupha a ngah Pasion, hehpihna leh nopsak cihtheihna khempeuh
a nei Pa, ka cihmawh hun un nong hehnep bangin, lungkham bei
dong mite ka hehnep zawhna dingun tha hong dim in.

Hanthotna Minister in nei ding:

Laisiangtho simna, e. g etsakna Late (Psalm 90)

Topa aw khang tawntungin kote omna mun nahi hi. Mualliante a
kipian'sakma, leitung leh vangtung na bawlma pek, a tawntung a

Hih leitungah kong ken uhnakhat zong omlo ahieh mah bang, ka
puakkhiat thei uh khat zong omlo hi. Topa in hong pia a, Topa
mahin lakik hi; Topa minin thupha ngah taken. Kong it sang gamte
aw, hih a ihmu mite kimangngilh lo ding ahiehman lametna a neilo
mite dah bangin dahkei un. Jesu si in hong thokik hicin ih upleh
Jesu sungah a ihmu mite Pasion in na ompih ding hi.
Khitui tawh khaici a tuhte in, lungdamna ngah kik ding uhi.

Khuksungah hankuang a kidomsuk laitak, la dawng khat sa ding:

Minister in hibangin ci ding:

Numei sungpan a piang mihing in nitawmno sung leh lungkhamna
tampi tawh kidim hi. Pak bangin hong palhin, vuaitum pah hi; nilim
bangin paihanhan a, beimang lel hi.

Ih nuntakna pen sihna in hongngak gige hi. Kua in eite honghuh
thei ding hiam cih leh Topa bekma in ih mawh nate hong maisak
in hong hehpih hi.

Asiangtho pen Topa Pasion, a vanglian pen Topa, a siangtho heh-
pihna tawh Gumpa aw, a lip khap huai mahmah tawntung sihna
mun pan kote hong hon in.

Ka Lungsim tawngah thusim khempeuh nang mahin na thei pen
hi;thu kongngat uh ciang na hehpihna bilte hongngat inla; hong
nawlkhin pampaih kei in a siangtho pen Topa aw; Vanlian pen
Pasion, siangtho pen leh hong hehpih Gumpa, a kilawm tawntung
Thukhen mangpi, ka hutawp hunun, tawntung sihna hong thuak-
sak kei in.

Misite hingkek ding hi. Muat theihna tawh a kituhkhai ci in, muat
theinawn losa in thokik sak ding hi. Simmawhna tawh a kituh khaici
pen minthanna tawh kithokiksak ding hi. Tha zawngkhalna tawh a
kituh khaici pen vangliatna tawh kithokiksak ding hi. Ci-le-sa tawh
a kituh khaici pen kha pumpi tawh kithokiksak ding hi. Ci-le-sa
pumpi a om mah bangin, a muat thei pumpi zong a om hi. A siatthei
nate pen a siattheiloin kikoil dinga, amuat thei pumpi pen a muat

manun a kicing nangma hehpihna leh na khualna thupha hong piaksak in. Hihbang thu siatna tung tawnin, a siangtho nangma deihna bangin kiniamkhiatna, hong mangin nang hongit mite a dingin na khempeuh ahoih lam vivein na piansakna thu a thuakzo leh a telsiam ciat dingin nong thahat saknangin kong thum uhi. Hinna, sihna ah ka phutkhakte uh a thuak zo dingin hong hehpih inla; nong sehnasa om bangin a lungkim, amaitai zo dingin hong siam in, a taktakin cileng, mihing khempeuh ahoihna khempeuh uh mangthan ding hi. A thuaksiam, a ngensiam dingin thu hong hilh inla, na Kha Siangtho thahatna tawh hongkem in; a mai mang ding siatna sungah tumloin, gualzawhna tawh sihna pan nuntak tawntung kangahkim na dingun na Tapa Topa Jeus Khrist min in konggen uhi. Amen.

Mihon sim ding:

TOPA' HONG HILH THUNGETNA

Vantunga om ka Pa uh, namin siangtho taken. Nagam hong piang taken. Vantungah nadeihna a kicin mah bangin, leitungah zong hongki cingsakin. Tuni ka nek ding uh a n hongpia in. Kote tungah midang hongkhial hong lang pangte ka maisak uh mah bangin kote khialhnate zong hong maisakin. Ze-et na ah hong tumsak kei in. Siat theihna sungpan hong honkhia in. Vangliatna, minthanna nei tawntung ta in. A men.

Minister in gen ding:

Thupha piakna

Topa Jesu Khrist hong hehpihna, Pasion hong itna, leh Kha Siangtho tawh kilawmtatna note tawh hong om tawntung taken.

Mihon in: Amen

Lungsim thungetna nei ciat ding.

HANAH ZATDING

Hankuang mai ah Minister pai han tunciangin gen ding:

kipan a tawntung dongin nangmah in Pasion nahi hi.

Mi leivui nasuak kiksaka, "Mihingte aw, ciah kik un!" na ci hi.

Banghang hiam cih leh na muhna ah kumtul khat sung pen a bei ciangin zanni ahi a, zan ihmud laitakin khan'lawh khat sung tawh ahi zongin a kibang bek hi.

Nangmah in mite na phiatkhia hi. Amaute pen a ihmu tawh kibang uh a, zingsanga a no kik lopa tawh kibang hi.

Zingsang palh in thaksuak kik a, nitak ciangin vul in keu uhi. Banghanghiam cihleh na sinsona in kote hong susia a, na heh luatna in kote hong laugawpsak hi.

Nang mahin kote' mawhnate na mai ah na koih a, ka khialh simnate uh na maitang ah na koih hi.

Banghanghiam cihleh ka hun khempeuh uh na hehna in bei a, ka nuntak hun uh husan' khat bangin a bei hi.

Kote' nuntak hun kum sawmsagih bang hi a, cidam le ung kum sawmgat bang hi thei hi. Ahih hangin tua hun sung nangawn gimna leh haksatna hi a, tua hunte bei pakin, kote ka maimang uhi.

Nang hong kizahtakna zah dingin kua in na sin sona vanglianna thei a, na hehna husiatna thei ahi hiam?

Tua ahih cian in pilna lungsim ka ngah theina dingun ka nuntak hun uh a tomlam ka theina dingun hong hilh in.

Topa aw, hong kihei kik in! Bang tanvei ding ahi hiam? na nasepna hong hehpih in!

Ka nuntak tawntung uh lungdamin ka kipak theina dingun zingsang in na itna kip tawh kote hong lungkimsak in.

Kote nong gimsak ni zah, siatna kathuak uh kum zah mah, kote hong kipaksak in.

Na nasepna tungah na nasepna, amau tate tungah na minthan'na, na vang hong kilangsak in.

Kote' Topa Pasion aw, komau tungah na thupha hong tungsak inla, kote' nasepna khempeuh hong tangtungsak in.

John 5:24

“A man takin kong genin ah: Ka thu gennate za in kei hong sawlpa a um khempeuh a nungta pai suak ding hi ta hi. Mawhsakna thukhenna ngah nawn loin, sihna panin a hingik ta ahi hi.”

John 10:27-29

“Kei ma tuute in ka aw za-in thei uh ahih manin kei hong zui uhi. Tua ahih manin amaute tungah nuntak tawntungna pia kahih manin si ngei nawnlo dinguh a, keima khutsung panin kuamah in amaute hong sutzo lo ding uhi.” Ka khut sungah a hong pia ka Pa sangin a lianzaw kuamah omlo ahih manin ka Pa’ khut panin kuamah in lakhia zolo ding hi.

Late 130

Topa aw, ka lungkham mahmahna panin nang tungah kong kiko hi! Topa aw, ka aw hong za in! Ka thumna aw ginge hong ngai in!

Topa aw, nangmah in mawhnate ciamteh lecin, Topa aw, kua in thuakzo ding ahi hiam? Ahih hangin nang hong kizahtak theihna dingin nangmah in mawhna na na maisak hi.

Topa’ hong huh ding lawmpa tawh ka ngak a, ama thungen ka mang hi. Galwite in zingsang a ngaklah sangin, Topa ka ngaklah zaw hi. Israel aw, Topa muang in! banghanghiam cihleh Topa’ itna kip tawntung a, amah in hong honkhia nuam tawntung hi. Amah in, a mawhna khempeuh pan in Israelte a honkhia ding hi.

Late 23

Topa pen tuu bang a kei hong cingpa hi a, bangmah ka kisam kei ding hi. Lo nona ah keimah hong lumsak a, tui kiangah kei hong paipih hi. Ka nuntakna tha hong dimsak a, ama minthan’na dingin thuman lampi ah kei hong kha hi. Khuamtal thukpi nangawn ka nawk hangin ka lau het kei hi. Banghang hiam cihleh kei tawh na hong omkhawm a, na molhtum leh na ciangkhut in kei hong lungmuangsak hi. Ka galte’omna mai ah kei’ a ding an nong lui hi. Ka lu sathau nong nilh a, ka hai a dimlet hi. Hoihna leh hehpihna in ka khan’ tawntungin kei hong zui taktak ding a, Topa’ inn sungah ka om tawntung ding hi.

in kong thum uhi.

VIII

A TEKSIH KHAT SIHVUI BIAKPIAKNA AH ZAT DING

Oh Topa, a thahat Pa Pasion aw, teksia tekguaite tungah na gensa om bangin: natek dongin keimah nangma Pasion kahi a; na samkan dongin nangmah kong tonpih hi; kong piansaksa na hihman nangma kong pia dinga; kong honkhia ding hi; nong kamciam sa om bangin hih a si ka sanggam pa uh tungah kum tampi sung a kisim zolo na thumanna leh na hehpihna thuphate mite tungah lak khiasak khinzo in, nuntak tawntungna tui na dawnsak khinzo nahih manin na tungah lungdamna kong pulak uhi.

Hih leitung gim leh tawlana, dah leh kahna pan amah na honkhia a, tawlnga dingin a nuam mahmah na vantung gamsung ah tengsakta nahih manin lungdam thu kong ko uhi. Kote zong tua mah bangin kong tunkim zawhna dingun nong huhna ding kong ngen uhi; hih leitung pan in thupha sang dingin nangma kiang kong pai dinguh a hun leh a ni kitheikhol lo ahihman kigingsa a ka om theih tawntungna dingun hong hehpih in. Khuamial in mihingten na a septheih nawnloh zan hong tung ma in, nasep citak a, ka hunte uh a zangsiam dingin tha hong guan in. Hun nunung ciangin, lung khamna sungpan na itna tawh kakhate uh hong sam a, tawntung minthanna lukhu a sangkim dingin thupha hongpia in, na Tapa Topa Jesu Khrist min in konggen uhi. Amen.

IX

Cina khol thu-um khat a sih ciang sihvui biakpiakna ah zat ding

Tawntung Pasion, nuntakna leh sihna Topa aw, upna sungah thu-up pih hih ka sanggam Pa/nu nuntak tawntung na munah theih kholh lohin ama nuntakna nalaksaka, han sungah a maluanghawm kongap uhi;theikholh loin ama nuntakna nong laksakman a meltheih, U leh nau thu-up pih khempeuh dah mahmah kahih

thanna tawh na thawhsak ciang, nuntak tawntungna sungah kote khat leh khat ka kimu ding uhi. Hih bang sihvaina hung sungah na Kha Siangtho tawh hong huh inla, hih bang hunte a sawt loin beipak dinga kote in nangma nungzui dingun, a kiging tawntungte hong hisak inla, nitawpni ciang sihna guamthuk kantan in, lungdam kipaksa in, nangma gam sungah kong tun theihna dingun a nungta tawntung leh ukna a nei tawntung Pa leh Kha Siangtho min in kong thum hi. Amen.

VII

(At the Death of a Husband and Father)

Pa, Papi khat a sihciang sihvui biakpiak hun ah zat ding.

A VANGLIAN LEH SANGPEN HEHPIHNA A NEI PASIAN, na tate khempeuh nangma khut sungah om ahihman ka lenlainite uh a simsiam dingin hong hilh inla, ka lungtang sung uhah nangma pilna hong guan in, Na Tapa Jesu Khrist sungah upna picing ka neihzawh na dingun leh ka nuntakpi zawhna dingun na hehpihna hong guan in; nangma kepna leh khoina sunga dah leh kapte tungah na vangtung nopnate hong kicingsak in; a lainatna uh leh a sin gimnate uh nangma kammal tawh kha lungmuanna hong guatsak in. Hih a thuaknate uh thumanna leh lungnopna tawh hong gahsuahsak in. A it mahmah a pa un hong nusiatna hangin vantung nopsaknate hong ngahsazaw inla, Khrist tawh a kinai zawkna uh hong hisak ta in. Pa neilote leh meigongte tungah Pa dinmun in hong ding ta in. Na hehpihna khut sungpan a lampial lohna dingun na thukhamte phawktheihna hong guan in. Nangmah hong it amaute tungah na khempeuh a hoihlam vive in a pian theihna dingin nong kamciamna thuphate hong tangtungsak in. Lametna a neilo mite dah bangin dahsak kei inla, mailam ah a ngah dinguh minthannate hang hih a thuaknate uh cih thamlo ahih lam hong phawksak in. Hih thuphate leh kote adingin a kizam dang tuamtuate nong piakna dingin kiniamkhiatna tawh Topa Gumpa Jesus Khrist min

1Thess 4:13-18

Sanggamte aw, lametna a neilo mite bangin na dah luatloh na dingun a sisa mite'omzia ding thu na theih dinguh ka deih uhi. Jesu si in thokik hi ci in i up mah bangin Pasion in Jesu hong pai pih kik ciangin amah um a, a si mite zong hong tonpih ding hi, ci in i um hi. Topa' thugen note kiangah ka gen uh thu in: Topa hong paikik ni ciangin a nungta lai eite pen a sisa mite tawh a kimuh ma in Topa tawh i kimu kei ding hi. Pasion' pengkul hong ging ding a, Topa mahmah vangtung pan in hong paisuk ding hi, Tua ciangin tua hin laitakin a nungta lai eite pen vankimlai ah Topa a dawn dingin a sisa mite tawh hong kila khawm dinga, Topa tawh i om khawm tawntung ding hi, cihna ahi hi. Tua ahih ciangin note khat le khat hih thu tawh na kihehnm un.

John14:1-6

Tua ciangin Jesu in a nungzuite kiangah, "Pasion um unla, kei zong hong um un. Note' omna ding mun a bawl khol dingin a pai ding kahi hi. Ka pa' inn sungah omna ding muntampi om hi. A om lo ding hi leh hih bangin thu ka hong gen kei ding hi. Kei vapai in note' omna sing mun kava bawl kholh khit ciangin keima omna munah note na hong om theina dingun note a la dingin ka hong paikik ding hi. Ka paina ding mun tun' theihna ding lampi na thei un," a ci hi. Tua laitakin Thomas in, "Topa aw, na paina ding mun thei lo ka hihman un a lam ding bangci thei ding kahi uhiam?" acih ciangin, Jesu in ama kiangah, "Keimah in lampi kahi a, Thuman leh nuntakna zong kahi hi. Kei hong suang loin Pa kiangah kuamah tung thei lo ding hi.

NAUPANG SITE VUINA HUN AH ZATDING

Job 14:1-2

"Minhingte a nuntak hun tom a, lungkhamna tawh kidim hi. Amaute pakpalth bangin khangin keu pak uh a, ni liim bangin pai hanhan in mangthang uhi.

Job 5:6-7

Lei lakpanin gimna hong piang tawmlo a, lei sung panin lungkhamna hong pokhiatawmlo hi. Mei ek a to len'ngai mah bangin mihing in ama lungkhamna ding mah a piangsak hi.

Job 1:21

Tuaciangin amah in, "Ka nu sungpanin guaktang ka suaka, guaktang mahin ka ciah kik ding hi. Topa in hong pia a, Topa mah in hongla kik hi, Topa' min kiphat taken" a ci hi.

Isaiah 40:11

Amah in tuu cingpa bangin a tuu honte an vak dinga, amah in a tuu note kaikhawmin, no ngeek lai a neite, dam takin a paipih ding hi.

Jer 31:15-17

Topa in hong cih inah "a, ah khua ah aw khat kiza a, tauna leh kah ngutngutna aw ahi hi. Rachel, a tate' a dingin a kap hi. A tate om nawnlo ahih manin kinem zolo hi."aci hi. Topa in hong cih in ah: "Kap nawn kei un la, na khitui uh nul un. Bang hanghiam cihleh Topa in kong cih in ah, na nasep thaman uh na ngah uhi. Amaute galte' gam pan in hong ciahkik ding uhi. Na mailam uh adingin lametna a om hi, Topa in kong ci hi. Na tae uh zong na gam mah uhah hong ciah kik ding uhi.

Mark 10:13-16

Mipawl khatin a naupangte uh Jesu in a lawn'sak ding deih uh ahih manin hong paipih uh a, ahi zongin a nungzuite in na kham uhi. Jesu in tua thu a phawk ciangin a hehsuak a, a nungzuite kiangah, "Naupangte kham kei un la, ka kiangah hong paisak un. Hih naupangno khat bangin Pasion' ukna sungah omlo mi peuhmah Pasion' ukna sungah om lo ding ahihna thei un" aci hi. Tua ciangin naupangnote la in a ang ah tawi a, a tung uhah a khutnga in thupha a pia hi.

KHANGMOI SITE VUI HUN AH ZATDING

Psalm 103:15-16

Eite ihih leh i nuntakna pen lopa tawh kibang a, lo lai a a po paakte bangin a palh hi. Banghanghiam cihleh huhih in amah seem in bei manga tua mun in amah theikha nawn lo hi.

Late 39:5

nangma vanglian khut sungah ka kha nuntaknate uh kong ap uhi. A men.

V

Topa Pasion, a nasepna pan leh ni bangin atum kuan hih ka sanggampa uh a nuntakna hong laksak na hihman a siangtho nangma deihna sungah kiniamkhiat in na lampite ka zahtak uhi. Nang kong it zawh semsem nading hong huh inla ngaihsut hong guan a, siatna pelh in na hoih kasep zawnha dingun hong huh in. Hih ka sanggampa uh tungah na itna leh na hehpihna in nong makaihsakna, nong dalsakna, a pumpi bek thamlo in ahu tawp dong na thupha nong kicinsak manin lungdamna kongko uhi. Ama sihna hangin dah leh kap a om khempuehte nangma kammal siangtho tawh lungnopna hong guatsakin, thadipkikna leh kha lungmuanna hong pia in, na tate a dingin siatna hizaw loin nuntak tawntung ngah nading ahihzawk lam a theisiam dingin thupha hong pia in.

Leitung ka khualzinna uh hun tomno sung bek ahihnam theih-siamna hong guan in; na thu laigil tawh hong siansuah inla, ka lungtangte uh upna tawh hong puahpha a, hih leitung siattheihnate ka lunggull lohna dingun hong huh in; nangma deihna leh awina bangin nungta a, hun tawpni na mai ah kong din uh ciang lungdam kipak takin ka om theih nading uh hong huh in ci-in, na Tapa Jesu Khrist min in kong ngen uhi. Amen.

VI

Ka lungdam uh hi. Topa Jesu Khrist aw, lunggimna sung panin, nuntak tawn tungna ngah dingin hih ka sanggam pa uh nong laksak manin. Kong it Gumpa aw, Job gensa a om bangin: Topa in hong pia a, Topa in la kik hi; Topa min in thupha ngah taken; lungdamna thu a um khempueh in zong thupha ngah taken: amah in a hoih vive in na khempueh bawl khin semkhin zo hi. Amah tawh a kikhensuak ding hilo in, kote mai ah a paikhol ahihnam, hong phawksakzaw in; ni tawpni ciangin hibang misi sa khempueh vangliatna leh min-

theihna dingun na Tapa Topa Jesu Khrist min in kong thum uhi. Amen.

IV

A vanglian, tawntung Pasion, a khang-khang in na nungta a, ahi zongin kote pen a hunhun in sihna katuak uhi; mihingte ci-le-sa in lopa bang hilel a, mihing minthanna in zong lopa pak bang hilel hi. Lopate vulpak in, pakte zong vupak lel hi. Ka hun tawpni dinguh leh ka ni phazah bangtan sawt ding cih hong thei siamsak in; ka thazawngkhalna te uh hong thei siamsak a, ka meivak tek uh nisim in tang sinsensak in, thupha ahi ni tawpni upna tawh hong ngak siamsak in. Sihna thu leh sihna gute a lauthawng lo dingin hong siam inla, sihna tungah a gualzo nuntakna hong pia Topa Jesu Khrist a mitsuan tawntung dingin thahatna hong pia in; Upna laigil leh ngaihsut pha ka neih zawhna dingun na Kha Siangtho tawh hong kem inla; ci-le-sa khaici a tuhte in siat theihna atkik in; ahizong Kha Siangtho khaici a tuh ten nuntak tawn tungna ngah ding uhi. Topa sungah a si a nuntakna nong laksak khat hangin nangma kiangah hong tungin na thupha sang ding ahihna hong telsiam sak inla, a mitsung pan un a khituite uh hong nulsak in, dahna kahna om nawnloh na mun ah amaute thupha pia ding na hihna hong telsiamsak inla, natna leh lungkhamna om lohna munah a mang tawntung ding ka hihna uh hong phawksak in. Topa Pasion aw, ka gim ka tawlana pan un nong kem tawntung a, hih a zawngkhal mite nangma kiangah kong ap uhi; meigongte leh pa neilote hong huh Pasion aw, dah leh kap a om amaute hehpihna tawh na thahatna tawh hong hehnem inla; na maiah hong kilangh in ni nunungni ciang a dah a kahnate uh lungdamna tawh hong heisak ta in. Kote zong, ka hun nunung nite uh hong tun ciangin, na nasemte lemna daihna tawh ka nuntakna uh hong la ta in; thusia lasia leh tuah siat theihna pan hong kem hong dal inla, thuman dikna gahte gahkhia sa in, upna bulkip muanhuai tawh nuntak tawntungna ngah dingin ka sep dingte uh gualzo sa in nangma kiang hong zuan thei dingin

Ka nuntakna hun khutme tan bang bekin na bawl a, ka nuntakna hun nang'muhna ah bangmah gen thamlo hi. Mihing khempueh, husan bang bek hitakpi hi.

Job 9:25-26

Laitaite sangin ka hun nawh taizaw a, bei pak ahih manin nopna ngah kha lo hi. Pumpeng gunkuang bangin nawh pai a, muwanlai sa bawh bangin nawh len hi.

Paunak 27:1

Zingciangin hun a ding kimasialh kei in: tu leh tua hun kikal a piang ding na thei kei hi.

Thuhilhsia 11:7-10

Khuavak hoih mahmah a, i mit in nitang a muh ciangin nuam mahmah hi. Mikhat sauweipi a nuntak leh, a nuntak sung nuamtak in om taken. Sauwei pitak ahing zongin, asih khit hun a sauvei zawkna phawk taken. Mailam ah a lamethuai bangmah a omkei hi. Khangnote aw, na khangnona uh nuamsa unla, na khangno lai un lungdam un. Na hih nop peuhpeuh uh hih unla, na ut bangbangun gamta un. Ahi zongin na gamtatna uh tawh kizui in, Pasion in thu hong khen ding phawk gige un. Note kilung-gimsak kei unla, na pumpi uh gen theisak kei un. Banghang hiam cihleh na khangno hun sunguh sauvei lo hi.

James 4:14

Zingciang in na nuntakna uh bangci ding cih nangawn na thei kei uhi. Meilum tawl khat sung kaai in a mangthang pak tawh a kibang lal na hi uhi.

Luke 7:11-17

Tu a khit a sawt lo in Nain khua ah Jesu pai a, a nungzuite leh mihonpite in zong a zui uhi. Tua khua kulhkongpi a tun' laitak un misi vui a hong pai mi hon tawh a kituak uhi. Amisi pen meigong khat tapa khat neihsun hi a, tua khua ssung mi hon tampite in tua sivuina ah meigongnu hong zui uhi. Topa in tua meigongnu a muh ciangin a khasiat suaka, "Kap kei in," ci in a khem hi. Tua ciangin pai in a hankuang valen a, si puate zong a khawl pah uhi. Tua ciangin Jesu in, "Tangval aw, tho in, kong ci hi," aci hi. Misi pa zong hong tuto in hong paupah hi. Tua ciangin Jesu in

a nu kiangah a ap hi. Amaute khempeuh in lamdang sa mahmah uh a, Pasion' min phatin, "Eite lakah kamsang lian khat hong om khinta a, a mite a honkhia dingin Pasion hong paikhinta hi," aci uhi. Hih Jesu' thu pen Judea gam sung leh a kiim gam khempeuh ah kizeel hi.

Matt 9:18-19;23-26

Tua bangin Jesu in thu gen in a om laitakin Jesu kiangah Judah ulian khat hong pai in ama mai ah hong khukdin a, "Tu mahmah in ka tanu a si hi. Ahi zongin nang hong pai in ama tungah na khut hong nga lecin amah hing kik ding hi," ci in a thum hi. Jesu zong ding pah a, a nungzuite tawh tua mipa a zui uhi. Tua laitakin kumsawm leh leh kum nih tawntung a si a luang numei khat Jesu' nungah hongpai in a puan mongteep a lawng hi.

Judah ulianpa' inn ah Jesu a tun ciangin tamngai tum mite leh mi-honpi a gamlum henhan a muh ciangin, "Na vekpi un pai khia un. Hih numeino a si hilo a, a ihmu bek ahi hi." aci hi. Ahi zongin amaute in Jesu zahpih in a nuhsan uhi. Ahi zongin mi honpita a pua lamah a paikhiatsak khit ciangin tua numeino omna ah Jesu tumin a khut a valet ciangin tua numeino hong tho hi. Hih thupiang tua gam khempeuh a kizel hi.

Matt 25:1-13

"Tua hun ciangin vantung ki-ukna zia pen zi nei thakpa a uap dingin a meivak uh tawh a pai nungak sawmte tawh kibang ding hi. Nungak sawmte sung pan in nga pil uh a, nga hai uhi. Tua ahaite in a meivak sung uhah a tui thun thua lopi in pai uh a, ahizongin a pil nungak ngate in a dim takin thunin a pai uhi. 'Zi nei pa hong tung hak ahih manin a vekpi un lusu in a ihmu uhi. Ahi zongin zan kimtak ciangin, zi nei pa hong tungta ding hi. Va dawn un.' ci in hong kiko hi. Tua nungakte zong tho in a meivak uh hong puah ciat uhi. Tua ciangin ahaite in a pilte kiangah, 'Ka mei uh mit ta ahih manin na meitui uh hong hawm un,' acih ciangin, a pilte in, 'Hong hawmle ung ko a ding tawh kicing nawnlo ding ahih manin no ading va lei tawm zaw un,' ci in a dawng uhi. Mei tui lei dingin amaute a pai khiat kikal sungin zi nei pa hong tung hi. A kigingsa in a om nungakte in zi nei pa dawn in mopawi bawl na sungah a lutkhawm pah uhi. Tua khit ciangin nungak haite zong hongtung uh a, Topa, Topa aw kong hong hon in, a cih uh cingin, amah in, 'Note ka hong thei het kei hi,' na cihsan hi.

II

Hehpihna sangpen anei Pasion, Topa Jesu Khrist' Pa aw, kote hong huhpa bek na hih mah bangin nangma thuneihna sungah kong zuan uhi. Nangmah bek Topa na hi a, nang simloh kuamah dang omlo hi. Ka lungkham hun sim un, nangmah in nong huh tawntung hi. Hih inn sungah nong tum manin nangma thuneihna leh vangliatna ka tang uhi. Na Kha Siangtho tawh hong huh in hong hehnem ta in. Dah leh kap in a om hih na nasemte tungah nangma thupha hehpihna leh itna hong kicingsak ta in. Nangma hehpihna khutkuak muanhuai sungah amaute hong kepsak inla, a kitamzan a lungtangte uh na itna tawh damna hong pia in. Dahna khawzingpi sungah na khawvak hong tangsak in. Mawhna kolsungpan kote hong honkhia inla, kote in sihna laulo in, tawntung nopsakna ngah dingin nong sap hun ciang a kigingsate ka hih theihna dingun hong huh in. Ka nungta uh zong, ka si uh ahizong Topa sung bek ah hi taken. Khrist Jesu tawh hong kipum khatsak in, ka nungta uh ahizong, kasi uh ahizong na Kha Siangtho tawh kote hong siansuah lecin Topa' aa kahi ding uhi. Amen.

III

Hehpihna tawh a kidim Pasion, vantung Pa aw, nangma lungkim leh pha nasak bangin hih ka pawlpi mi sung pan in hih leitung nuntak na pan na samkhia a, hun tomno sung khit zawh ciang kote zong nangma mai ah hong ding ding ka hih lamuh nong phawksak hi; na Kha Siangtho vangletna tawh kote nong gacip ding kong thum uhi; kiphatsakna tawh kidim hi leitung pan kote hong kem lecin upna tawh hangsantak in gal ka do ding uhi; ka khualzinna uh hih leitungah ka zawhni donguh thumang in sihna katuah khak ni dongun kiging kholsa in leh thungen tawntung in ka omzawh na dinguh kong thum uhi. Ka mawh na uh pan in hong tankhia na Tapa, diktanna ka ngah theihna dinguh thokik a, amah in ka sih hun uh leh ka dah hun un hong hehnem in, hih leitung nuntakna ka nusiak zawh uh ciang lungnuamtak leh thuman lukhu ka ngah

Vanglian Pasion, Vantung Pasion, hih leitung pan in hih naupang' kha nuntakna na hehpihna phatin lungdam kong ko uhi; nangma tawntung gam sungah teng dingin leh a luah dingin siangtho tuiphumna ngahzo ahih manin lungdam kong ko uhi. Ama sih baihna hangin a dah a kap khitui luangte lungtang sungah nangma hehpihna kammal nong tungsak dingin kong thum uhi. A nu leh a pa tungah naupang lungsim bang upna leh nangma thu sungah ki-ap zawhna hong guatsak in. A ngum cil paak tawh kibang nau-pang nuntakna na khiaktan zo a, a lungkhamna uh sungpan in na hehpihna khut musak inla, a kikhiattan paakngum pen a vul thei ngeilo dingin vantungah palhkhia ding ahihlam zong phawksak in; leh hih naupangno tawh a tawntungin lungdam khawm ding ahihlam zong hong phawksak ta in. Na thupha tawh amaute hong tuamsak in, a khitui luanna pan in hong hehnem in; Hehpihtak in a kha nuntakna uh hong picingsak inla, nangmah tawh kinai zaw sem in, sih nawnlohna munah a minthangkawm dingin hong siam in. Nangma Kha Siangtho panpihna tawh hih leitungah khualzin bang ka hi uha; nangmah zahtakna leh upna kip tawh ka nuntak theihna dingin hong huh in; tehpih theih loh lungdamna tawh nitawp niciangin nangmah tawh mangkhawm dingin hong siam in ci-in Topa Jesu Khrist min in kong thum uhi. Amen.

KHANGHAM KHAT A SIHCIANG SIHVUI BIAKPIAK HUN SUNGA SIM DING

I
Vanglian Pasion, vantunga om kote pa aw, hih ka sanggampa uh nangmah in na sam a, a huntawp dongin upna laigil tawh nong kepsak manin lungdam in na min kong phat uhi. Tua mah bangin kote zong Khrist sungah upna picing in ka thahat suahna leh maitaina tawh nangmah hong phat zo tawntung in gupa Jesu Khrist minthanna tawh hong kilatkik ding ni lametna tawh ka ngak zawh tawntung na dinguh hong huh in ci-in thu kong ngen uhi. Amen.

Tua ahih ciangin a ni leh ahun theilo nahih manun na pilvang un.

KHANGHAMSATE SIH VUINA ZAT DING

Late 92:12-15

Nisuh kung bangin thuman mipah a, Lebanon mual taamtak kung bangin akhang hi. Topa'inn sungah amute kisuan a, i Pasion' huang sungah amaute palhl uh hi. Topa thutang hi ci a alahna dingin amaute teek napi in gah lailai uh a amaute tui kiuhkeuh in hing sitset uhi. Amah pen kei hong hupa hi a, ama sungah thuman lohna om lo hi.

Paunak 16:31

Atekte'sam kang minthanna lukhu hi a, thuman a nuntakna tawh a ngah ahi hi.

Isai 46:4

Natek dongun kei mah in amah ka hi a, na sam uh akanhun dongin note kong kem ding hi. Ka hong bawl khina, ka hong don ding hi. Kei mah in hong tawi in ka hong honkhia ding hi.

2Tim 4:6-8

Kei ka hih leh Pasion biakna in hong kipiak ding hun hong tung ta hi. Hih leitung nuntakna ka nusiak ding hun hita hi. Kidemna ah ka hat tawp in ka hih khin a, among dongin ka tai khin a, Upna thu kho takin lenin ka zo khin hi. Thu aman in a khen Topa in tua ni ciangin kei a hong piak ding thuman lukhu ahi Gualzawh na thaman in tu in kei hong ngak gige hi. Kei tung bekah hong pia hilo ama hong paikik ding itna tawh a ngakte khempeuh tungah zong a pia ding ahi hi.

Phil 3:20-21

Ahi zongin eite ihih leh vangtung gam mite ihi a, vangtung panin a hong pai ding Topa Jesu Khrist, eite Honpa, lawptakin angakte ihihi. Amah in na khempeuh ama khut nuaiah koihna in a zat vangliatna mah tawh agimlo i leitung pumpi pen ama sa mah bangin a minthang

pumpi tawh hong kheelsak ding hi.

Naupang khat sihna: 2Sam 12:15-23; 1Kings 17:17-24; 2Kings 4:18-26; Jer31:15-17; Mark 10:13-16.

Khangmoi khat sihna: Eccl 11:7-10;12:1-8;Isa40:30-31;Mark 5:35-43; Luke 7:11-17.

Numei khat sihna: Luke 2:36-38;Act 9:36-42.

Khanghamte sihna: Job 5:17-26;Ps 71:7-21; Luke 2:25-32;2Tim 4:6-8.

Sihtheih muattheina: Job14:1-15;Ps 39:4-13; Isa 40:6-10; Num 21:6-9; Jn 3:14-15;Rom 8:31-39; James 4: 13-15.

Sihna leh dahna ah: Ps 88:1-18; 130:1-8;143:1-12; Eccl 7:1-4; Isa 54:7-13.

Hehpihna:Ps 25:1-22;46: 61:1-4;103:1-22; Lam3: 22-23;Jn 10:7-16;14:1-6.

Lametna: Job 19: 25-27; Ps 23: 42:5-11;1Pet 1:3-9.

Thapiakna leh hanthotna: Matt 24: 36-47; 25:1-3; Mk 13:32-37; Lk 12:35-48; 1Kor 7:29-31; Eph 5:15-21; 6:10-18; 1Thess 5:1-11; 2Pet 3:8-14.

Gualzawhna: Ps31:7-24;Rom8:31-39;1Kor 15:50-58;Rev 22:12-14.

Thawhkikna: Matt 29:1-10; Mk12:26-27; Jn 5:19-29;11:1-14; 1Cor15:20-28;2cor 4:7-18;Col 3::1-4; 1Thess 4:13-18.

Vangtung: Matt 25:34-40; 2Cor 5:1-10; Rev 7:9-17;14:13;19:5-9; 21:1-5; 10-13;22:27;22:1-6.

Minister gen ding: Thungen ni:

Hehpihna tawh kidim vanglian Pasion' Topa Jesu Khrist tawh ka mithan khopma un, gen theihna leh sihns ka thuak zawhna dingun, Nang ma deihna siangtho suangah ka ki-ap zawh na dingun na hehpihna leh upna laigil nitawp dongin hong guan inla, nopna leh kipahna hong guan uh hi. Amen.

Adang deihkaih thungetna zatzawh ciang:

Topa hong hilh thungetna

Vantungah a om, kote Pa aw, Nangma min siangtho taken. Na gam

VI

A siangtho leh a biakhuai To thum Pasion: Pa, Tapa, leh Kha Siangtho, hong piangsak gumpa, leh ka pumpi ka kha uh hong siansuah, kiniamkhiatna tawh ka mawhnate uh hong pulak in, hih ka mawhna uh hangin na lungkim lohna leh lunggim sihna ka thuakna uh ka thei mah uhi. Ahi zongin, mong neilo Jesu Khrist hong hehpihna tawh ka khialna khempeuh uh hong paihkhiatsak inla, ka thanemna uh leh ka mawhna uh nong sawpsiangsak nading leh a lipkhaphuai mahmah tawntung sihna pan hong honkhia in ci-in a siangtho leh hehpihna tawh kidim Gumpa mintawh kong ngen uhi. Amen.

VII

Atheipen a telpen Topa, ka lungsim ngaihsutnnte uh hong mu hong thei a siangtho leh hehpihna tawh kidim Gumpa aw, ka thungetna awte uh hong za inla, hong dawng in. Tawntung Thukhen Mang-pipa aw, hun tawpna ah gimna hong thuaksak kei inla, sihna tawh hong kipelhsak inla na kiangpan hong hemkhia kei in. Tawntung kilawmtatna ah gualzo Pawlpi sungah hong kem inla, ka nasepnate uh panin nangmah tawh hong mangkhawmsak in; ciangtan neilo ukzawhna a nei tawntung Topa Jesu Khrist min in kong thum hi. Amen.

NAUPANG KHAT VUINA HUNAH ZAT DING

I

Topa, vantunga om vanglian Pa, dah leh kahna thuakte hehnem leh kote tawh hong omkhawm tawntung Pasion aw, hong nusia (sihsan) tano it luat manin dah leh kah a thuak hih ka sanggamte tungah nangma hehnepna thupha nong kicingsak nading in kong thum uhi. Upna zungthuk kha in, a nunung gupkhiatna ni thupha lamem in, nangmah hong um mi khempeuh vantung nopsakna leh minthanna a ngah ni dongin hong kepsak in cin Topa Jesu Khrist min in kong thum uhi. Amen.

II

nuntakna leh tawntung minthanna ka ngah theihna dingun kong thum uhi. Ka lungsim sunguh ah nong hehpihna hong guan inla, lugdam kipak tak leh lawptak in nangma gam sungah lungdam kipak takin kong lut theihna dingun nong huhna dingin na Tapa, ka Topa uh Jesu Khrist min in kong thum uhi. Amen.

III

A vanglian, tawntung Pasion leh Pa aw, Tapa khat bek na neih Jesu Khrist kote adingin hong si in sihna pan gualzawhna tawh hong thawhkikna hangin ka lungdamna uh kong ko uhi; ni tawpni ciangin nangmah tawh mangkhawm dingin khamuanna leh nopsakna ka neih theihna dingin hong hehpih in ci-in Topa Jesu Khrist min in kong thum uhi.

IV

Thupha ngah tawntung palai siam, sihna pan a nungtakik tawntung, vangtung leh lei tungah a kilo tawntung min manpha, na mi siangtho khempeuh in na minthanna pahtawi dingin nuntakna ah hong tonpih Pasion aw, kote mai ah a paikholsa na mi siangthote bangin upna tawh a siangtho na pawlpi sungah kilawmtatna ka neihna dingun na hehpihna thupha hong pia in; kote a dingin nong bawlsak sa leitung bei dong a kiptawntung ding tehpih neilo na nopsakna hong ngahsak ta in. Amen.

V

A siangtho leh thupha a ngah Kha Siangtho aw, nangmah in Pa leh Tapa sungah tengin a mi siangthote hehnem in leh thahat sak na hiham bangin sihna hun ka tuah uh ciang nong hehnep nading leh a thokik dingin lametna ka neihna dinguh huhna ka hong ngen uhi; kote sungah hong om in, tuabang hileh na thumanna sungah kote kalsuan in, nuntak tawntungna ngah dingin hong hehpihin, Topa Jesu Khrist min in thu kongngen uhi. Amen.

hong piang taken; Vantungah na deihna a kicin mahbangin, leitungah zong hong kicing taken. Tuni-a ka khamkhop dinguh an hong pia in; Kote tungah hong mawhte ka maisak mah bangun, kote mawhna zong hong maisak ta-in. Ze-etna hong thuaksak kei-in, Gilopa kiangpan hong honkhia in; Ukzawhna, vangliatna, minthanna nei tawntung ta in! Amen.

THUPHA PIAKNA

Topa Jesu Khrist hong hehpihna, Pasion hong itna leh Kha Siangtho hong ompihna in note tawh hong om khawm taken. Amen.

Lungsim thungetna

BIAK INN SUNGAH

Vui ding misi khat (Pahtawi)atangthi gengen ding pen Khristian(Lai Siangtho) ngeilo hoih hetlo khat ahihi;Sihvui biakpiakna hunsungah adang leitung vai kipawlna ten ahelsiat ding uh zong ngeina hoih hetlo ahihi. Sihvui biakpiakna kipatna dingin,biak inn sungah Minister hong tumin Pasion'tau tungah kahtoh zawh ciang hih anuai athute ginglian takin simkhia ding;Sinung zui(hankuan) dingte biak inn sung hong tumkim dong mateng Minister om suak ding:

Numei khat sungpan apiang mipa in ni tawmno sung lunggimna tawh kidim hi. Pakbangin hong palh in;a hiang pan kikihiaktan hi; khuazing bangin mangthangin, kimu nawnlo hi. Ngaihsun dih un, nangma in ka nuntakna nite tawmveino sung husanna nong pia a; ka kum phazah in nangma mai ah bangmah cihtham zah hilo hi. Ataktak in cileng, mihing nuntakna in kimanna neilo a mawknapi hi.

Topa in hi bangin ci hi: *“Leivui pan hong kipiangsak nahih manun leivui mah ah na ciahkik ding hi. Mikhat mawhna hangin leitungah mawhna hong tum a, mawhna hangin sihna piang hi; mawhnei mihing khempeuh tungah tua sihna hong tung hi.*

Ama sungah hih lametna a nei mi khempeuh in a siangtho mah bangin amau mahmah in zong sianthona ngah ding uhi. Khrist' thukhenna tokhom mai ah eite i dingciat dinga, a hoih a pha eima sepna thaman i sangciat ding hi. Tua ahil manin, kong it sanggam aw, hih leitung siat theihna pan suakta in, kuama ta hong lakkhiat sak theihloh gupkhiatna sungah tum ni. Upna hangin galdo siamte hi in, nuntak tawntungna pom ciat ni. I Topa ngak gige in ama Kha Siangtho tawh ih khate hong siansuah ding leh leitungnate tungah gualzo in nitawpni hun ah a tawntungin vantungah amah tawh a mangkhawm dingin ih kiging ciat ding hiam?

Hehpihna hangin hoihna leh lametna, hong it in tawntung hehnepna hong pia, nopsakna Pasion, hehpihna te' Pa ih Topa Jesu Khrist' pa in thupha ngah tawntung taken la; sihna pan Topa Jesu Khrist' thawhkikna hang tawh a nungta lametna hong pe-kik Pasion in minthanna tang den taken.

Adam sungah mi khempeuh a sih mah bangin, Khrist sungah mi khempeuh nungtakik hi. Ih khialhnate sung pan hong tatna ding leh diktanna i ngah theihna dingin sihna pan thokik in nuntakna hong pia hi.

A ihmute (a sisate) a dingin amah inn: *"Kei in thawhkikna leh nuntakna kahi hi; Kei hong umte a sih hangin a nunta ding uhi; kei hong um peuhmah si ngeilo in nungta ding uhi."* ci hi.

Hih a siatheinate a siathe lo dinmun ah kikoih in, a muat thei nate a muat theilo dinmun ah kikoih dinga; simmawhna tawh a kituh pen minthanna tawh thokik ding hi. I leitung ci le sa lim in vantung lim le mel pua in, Topa Jesu Khrist lim le mel in ci-le-sa i pumpi hong khel dinga, ama vantung pumpi mah bangin ih minthang khawm ding hi.

Vantung pan awging khat kaza a, *tu a kipan in Topa sungah a site in thupha ngahte ahihi*; ci-in Kha Siangtho in a genna ah, amaute khempeuh in a sep thaman uh a sang ciat ding hi ci hi.

Biak piakna hun kipat nading la dawngkhat sa.

Minister in hibangin sim ding:

Pa, Tapa leh Kha Siangtho mintawh.

Mihon in hibangin dawngkik ding: Amen.

Hihbangin sim ding: Psalm 23, 90, or 130

La dawngkhat sa ding.

Sermon *aihkeh* Thutomno genna.

La dawng khatsa *aihkeh* lapawl (Choir)

Hehpihna laisimna (or) Misi tangthu a tom in simna (*aihkeh*) a manzawh ciang hih thungetsakna a nuai a bangin:

Vantung a om, Pa Pasion, kote hong hehpih in.

Tapa Pasion, leitung a gumkhia Topa aw, kote hong hehpih in.

Kha Siangtho Pasion, kote hong hehpih inla nopsakna thupha hong pia in.

Minister in khat pan a deih zahzah anuai a-te sim ding:

I.

Vanglian Pasion, upna sungah gualzo in gimna tawlina sung pan in a tawlinga na nasemte tungah na itna leh na hehpihna hangin lungdamna thu kong puak kong ko uhi; a nuntakna khate in Topa sungah hong ciahsan in, ci-le-sa vangik pan suakta in, kipahna leh nopsakna ah hong paipih Pasion na tungah ka lungdam uhi. Nangma nuntak tawntungna sungah kha leh pumpi tawh tawntung nopsakna ngah dingin na min siangtho suangin upna tawh hong zuan mite tungah na thupha tungsak ta in cih ka Topa Jesu Khrist min in kong thum uhi.

II

Vangletna leh hehpihna tawh kidim Pasion aw, siat theihna leitung pan itna tawh hong samkhia a, mawhna sungah kibual nawnlo in